

सुजुगिरिनि खोलोम

मावनाय-दांनयखौबो दानाय-लुनायजों थुलुगां होफानांगोन

गोदो-गोदायनिफ्रायनो गामिआव राइजो जाग्रा सुबुंफ्रा दानाय लुनायखौ गोनांथार आरिमु महरै गोबाना लायोमोन। बर' माहारिनि गेजेराव बाश्रा फंसे दड; 'जाय दानाय लुनाय रोड बिखौ हाबा रोड होनानै सोंखारिनाय, लाजि फोनांनय जायोमोन। बाश्राया नंखाय नडा। गामिआव नख'र फ्रोमबो साल-गान्देजों समायना इसानसाली थानायमोन। मेसैं बोथोर सौफैनाय लोगो लोगो नख'र नख'र सि सोंनाय, नो-खन्नाय, बेनि उनाव गान्देआव खुन्दु फानानै सालाव दानाय जायो। गामिआव हाबहैब्लानो नख'र नख'र खालथां, खालथां, माखु गाबनाय सोदोब खोनानो मोननायमोन। बेनि ओंथिया बेनो बर' आइजोफ्रा गोबाडेनो जि दानो गोरों आरो दानाय-लुनायाव आखा-फाखाथार। दानाय-लुनायजों लोगोसे नख'रि बाइदिसिना मावनाय-दांनयफोरखौबो मावनायाव बिसोरो जोबोद आका-फाखा नडाब्लोबो बिसोरखौबो फोरोंनायनि गोनांथि दं।

गोदो गामि गामि इन्दि बिफानि बागान खालामना एमफो फिनानै इन्दि फिथोबनिफ्राय इन्दि खुन्दु दिहुनना इन्दि सि दानायमोन। नख'राव जोमनो दोननानैबो गुबुन्नोबो फानहरोमोन। इन्दि सिनि बेसेनआ गोदोनिखुड आधिखालाव गोबां बांसिनबाय। गोबां रोखोमनि इन्दिसि दाना दिहुन्नो हायोब्ला बेनिफ्रायबो गोबां रं मोननो हासै। बेजोंनो नखर'नि गथ' -गथायनो लेखा-बायनो, गाननाय जोमनायखौबो ज'गार खालामनो हायो। आधिखालनि सुबुंफ्रा नाथाय इन्दिसिखौ जोमाबालानो हाथायाव मोननाय मनिपुरि जोमग्रा, कारमोरि साल बाइदि बाइदि सि फोरखौसो बायना जोमसैं। बेनि जाहोना बेनो जोंनि मानसिफ्रा आधिखाल इन्दि बिफां गायलिया, एमफो फिसिलिया आरो फिथोबनिफ्रायबो खुन्दु दिहुन्नानै जि दालिया। बेखायनो गामिफ्राव इन्दि जि जोमबायनायबो नुनो थांबालिया।

जेरैखि जाया, माहारिनि हारिमु आरो आरिमुखौ फोथाना लाखिनायनि लामाखौ लानांगोब्ला मावनाय-दांनयावबो नांथाबनो हानांगोन। बर' आइजोफोरल' नडा हौवाफ्राबो गावनि हानायखौ मावनानै गोदो गोदायनिफ्राय सोलिबोनाय दानाय लुनायनि हाबायाव आइजोफोरखौ मदत खालामनांगोन अब्लासो हाबा मावनायनि हारिमुजों लोगोसे आरिमुयाबो थानानै थानो हागोन। मावनाय-दांनय आरो आरिमु लाखिनायनि बिबानया खालि हिन्जावफोरनिल' नडा ,समाजनि गासै थाखोनि सुबुंफ्रानो मावनाय-दांनय आरो माहारिनि हारिमु आरो आरिमुखौ फोथानानै लाखिनायनि बिबानखौ रुजुनो हानांगोन अब्लासो हारियाव जौगानाय फैगोन आरो इयुन जोलैनोबो थुलुगाखांनय फैगोन। □

दिनैनि फान्जामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: दिनें फुंनि समाव माबा मोनसे मावनायनि शुभ फिथाइ मोनो हागौ। गोसोखौ गोजोन्नाय मोनगोन।

वृष: हरखाबै देहाफ्राव जोखोमफोर मोनबाय बायनो हागौ। जेरैबो सांग्रा जानानै थानांगोन।

मिथुन: माबाफोर मुबा-बेसाद मोननायनि आसा दड। गोजोन्नाय मोनगोन। मोजां सान।

कर्कट: गोबावनि उनाव आंगो लोगोखौ मोनो हागोन। गोसोखौ गोजोनि मोनगोन। मोजां सान।

सिंह: थाखानायनिफ्राय बांसिन दोहोनआ बालांगोन। मुलाम्फा जागोन। थासारिया मोजां।

कन्या: लोगो-दिगि जालायनाया बांलांगोन। हेफाजाव मोनो हागोन। फारफ्रोमथिबो मोजां।

तुला: माबाफोर दोहोन-सम्पति ख'हा जानो हागौ। गोजोन्नाय गैथेजों सम बारहोनांगोन। थासारिया गाजि।

बृश्चक: बायदिसिना रोखोमनि सुजुग-सुबिदा मोनो हागोन। सान्नाया जाफुंसारगोन। दिनेंनि सानआ मोजां।

धनु: संसार जानायाव गोजोने नख'र दालानो हागोन। जेथिबो गोजोन्नायखौ मोनो हागोन। मोजां सान।

मकर: गोबाव समनिफ्रायनो नाजाबोनाय थांखिया जाफुंसारगोन। गोसोआ रंजाखांगोन। थासारिया मोजां।

कुम्भ: मानिबा जाहोनाव गोसोआव दुखुफोर मोनबायबायनो हागौ। गोसो हमथानानै थानाय गाहाम।

मीन: मानिबा जेनाफोर दंन्ना सुखाना लानो हागोन। गोसोखौ सान्थि मोनगोन। मोजां सम।

पार्थ चेटार्जीनि ग्रेप्टार मेमआव गिबि मन्थि ममतानि मुं आरो मबाइल नाम्बार दं



कलकता, 25 जुलाई : सोनाब बंगनि राजखान्थिआव बै समाव गुलाइ-गुजाइ नुजाथिदों। इडिआ बावैसो सिगाडव रइज्योनि उद्यग आरो फालांगि मन्थि पार्थ चेटार्जीखौ सोलौंसालियाव थिसन्नाय गेनाखान्थिखौ नायबिजिनयायव हमो। बिजों खथि सोमोन्दो गोनां अर्पिता मुखार्जीखौबो हमो। बे केसआव मोनसेबाव खोंरंआ सोरंआव फैदों। बे केसआव पार्थआ गिबि मन्थिजों फोनांजाबनो नाजाब्लोबो हायाखै। बेफोरनि गेजेराव बिथोनि हमनाय मेमआव गिबि मन्थि ममतानि मुं आरो मबाइल नाम्बार मोन्दों। फोरोंगिरि थिसन्थाइआव हमजानाय तृणमुल कंग्रेसनि देदेनगिरि पार्थ चेटार्जीनिफ्राय बिनि पाठिआ जानगारदंन्नाबो चेटार्जीनि थाखाय तृणमुलनि गाहाइ आरो गिबि मन्थि ममता बेनार्जीनिफ्राय सोरंनि आसा दड आरो बेनिखायनो बिनि हमनाय मेमआव ममतानि मुंखौ मख'नाय दड। तृणमुल कंग्रेसनि दैदेनगिरिफोरा बुंदों बे गासै केसनि बिबाना पार्थ चेटार्जीनिआव दड, पाठिनाव गैया। मख'ज'थावदि, पार्थ'खौ हमनायनि उनाव मेडिके ल चेकआपआव लांनय समाव बिथाडा बुंदों गाव नाजादंन्नाबो ममता बेनार्जीजों कन्टेक्ट खालामनो हायाखै। फार्सेथिं टिएमसिनि सात्रै दैदेनगिरिफोरा प्रेस मिट खालामना बे केसआ पाठिनि आखायाव गैया, चेटार्जीनिसो बिबान होना बुडो। □

अरुणाचल प्रदेशआव जोमै गावस्त्रानानै अखा हानायजों दै बाना जादों



इटानगर, 25 जुलाई : अरुणाचल प्रदेश राइज्योनि टिराप जिल्लाआ जोमै गावस्त्रानायजों लांन्थियै अखा हानाय दै बानाजों राहा गोथेजानाडो। दै बानानि जाहोनाव लामानि फोनांजावथायाव गोबां जेना नुजानायनि अनगायैबो टिराप जिल्लानि गोबां गामिफोरा दै बानानि जाहोनाव राहा गोथेजानादों। राइज्योनि सिडव थानाय टिराप जिल्लानि डेउमालि आरो नामसंआव दै बानानि थाखाय गोबां ख'हा जानायनि रिपर्ट मोन्दों। गुबुन फारसे बे जिल्लानि गाहाइ ओन्सोलयाव थानाय ओन्सोलफोरा आबुडैनि दै बानाजों लोमसावजानायनि अरुणाचल प्रदेश राइज्योनि टिराप जिल्लाआ जोमै गावस्त्रानायजों लांन्थियै अखा हानाय दै बानाजों राहा गोथेजानाडो। दै बानानि जाहोनाव लामानि फोनांजावथायाव गोबां जेना नुजानायनि अनगायैबो टिराप जिल्लानि गोबां गामिफोरा दै बानानि जाहोनाव राहा गोथेजानादों। राइज्योनि सिडव थानाय टिराप जिल्लानि डेउमालि आरो नामसंआव दै बानानि थाखाय गोबां ख'हा जानायनि रिपर्ट मोन्दों। गुबुन फारसे बे जिल्लानि गाहाइ ओन्सोलयाव थानाय ओन्सोलफोरा आबुडैनि दै बानाजों लोमसावजानायनि

मिजरामनि सासेल' बिजेपि एमएलएजों लोगोसे सा 12 सोद्रोमाफोरा 1 बोसोर जोबथेसालिनि साजा होजादों

आइजल, 25 जुलाई : गेनाखान्थिजों लोब्बा थानायनि दाइयाव मिजरामनि सासेल' बिजेपि एमएलए ७ बिडि चाकमाजों लोगोसे सा 12 गुबुन सोद्रोमाफोरा 1 बोसोर जोबथेसालिनि साजा फोसावजादों। सरकारि फान्डखौ गाव मुलाम्फानि थाखाय गेनाखान्थि हाबायाव लोब्बा थानायनि दाइयाव स्पिसियेल बिजिरगिरि (प्रेजेन्सन अफ काराप्सन एक्ट) बानलालनमाथिबा दिनें आइजलनि जिल्ला बिजिरसालियाव 1 बोसोर जोबथेसालिनि हेयारि होनायजों लोगोसे बिजिरसालिनिफ्राय 10 रोजा रं जुरिमानाबो फोनाडो। मख'नो गोनांदि, चाकमायानो मिजरामआव गेनाखान्थि हाबाजों लोब्बा थानायव गिबियै दायनिगिरि फोसावजानाय गिबि एमएलए जादों। थानाय 22 जुलाईखालि चाकमा आरो चाकमा गावखुंथाय जिल्ला काउन्सिलनि गाहाइ



मावफुं सोद्रोमा (सिइएम) बुद्द लिला चाकमाजों लोगोसे गासै सा 13 सोद्रोमाफोरनि गेजेराव गेनाखान्थिखौ होबथानाय आइन 1998 नि सेक्सन 13 (1) (डि) नि गेजेरजों 13 (2) आव बिसोरनि सायाव ग्राफ्ट केस (गेनाखान्थि) थिसन्नाय जादों मोन। बिथामोनि सायाव थांनय 2017 बोसोरव मिजराम राइज्यो बेंगिरिनिमिम जौगानायनि थाखाय रानसारथाय फान्डयाव थाबथानाय आरो माखासे जौगानायनि थाखाय हरनाय रंखौ गावआरि मुलाम्फानि थाखाय बाहायनायनि केस थिसन्नाय जादों मोन। बे के सखौ राइज्यो बिजेपि सेक्रे टारिआ बै समाव बोसोरनि जोबथेसालिनि साजा

फोसावो। मख'नो गोनांदि, बिथामोनि सायाव मिरु सरकारनिफ्राय जौगानायनि थाखाय हरनाय फान्डखौ गावसोरनि गोहोजों गोरैथियै बाहायनाय गासै 1,541, 73,238 रं जाखल'नायनि दाय मोन्नाय जादों मोन। बिथामोनि सायाव थांनय 2017 बोसोरव मिजराम राइज्यो बेंगिरिनिमिम जौगानायनि थाखाय रानसारथाय फान्डयाव थाबथानाय आरो माखासे जौगानायनि थाखाय हरनाय रंखौ गावआरि मुलाम्फानि थाखाय बाहायनायनि केस थिसन्नाय जादों मोन। बे के सखौ राइज्यो बिजेपि सेक्रे टारिआ बै समाव बोसोरनि जोबथेसालिनि साजा

लांन्थियै 20 रोजानि बांसिन पजिटिभ मोनबाय थानाय समाव करनानि केसआ दावखलायदों



गोदान दिल्ली, 25 जुलाई : भारतआव करना भाइरास सन्देरनाय अनजिमाया बांसिन जाबोगासिनो दं आरो थांनय माखासे साननिफ्रायनो सानफ्रोमबो 20 रोजानि बांसिन पजिटिभ मोनगासिनो दड। अदेबानि थांनय दानाव कभिड-19 नि गोदान के सखौ दावखलायनाय थिसनो मोनो। बे सानाव 16,866 पजिटिभ केस मोन्नायजों लोगोसे हादतआव गासै सा 41 करना सन्देरनाय बेरामिफोरनि जिउ गोमायो। बेनि सिगां सान रबिबारआव 20,279 गोदान


पजिटिभ केस मोन्दों मोन आरो बे सानाव गासै सा 36 जिउ गोमादों मोन। मिरु सावसि मावख'निफ्राय फोसावनाय अनजिमा बायदिल्ला, थांनय 24 घन्टयाव सा 18,189 करना बेरामिफोर मोजाडव फैफिनो। बेनि उनाव एक्टिभ केसनि अनजिमायाव सरासनसा दावखलायनायखौ नुनो मोनो। थांनय सानाव भारतआव फाहामथाइ लाबाय थानायफोरनि अनजिमाया सा 1,50,877 जाफैबाय। भारतआव गासै 4,39,5,621 करना पजिटिभ मोनबाय आरो बिसोरनि गेजेराव

आधिखालनि बिजेपि एमएलए बिडि चाकमाआ कंग्रेसनि सोद्रोमामोन आरो बिथाडा 2018 आव एसेमब्लि बिसायख'थियाव देरहानायजों बिजेपिनि एमएलए जानो हादों मोन। थांनय माखासे समनि सिगां बिथाडा चाकमा गावखुंथाय जिल्लानि 15 थि सिइएमनि बिबानखौ सामलायदों मोन आरो आगु कंग्रेस सरकारनि राइज्यो मन्थिनि बिबानावबो दडमोन। आधिखालनि समाव मिरजाम ले'ि ज र्सा ले'ि टि थ एसेमब्लिनिफ्राय देरहानानै बिजेपिनिफ्राय एमएलएनि बिबानाव दडमोन। गेनाखान्थि हाबा मावनायनि केस थिसन्नाय बायदियै राइज्यो खुं'गिरिया लंटाइ जिल्ला डिंसिजों सामलायजानाय मोनसे टीमनो बिसोरनि सायाव गोथैथै नायबिजिनो बिथोन होदों मोन। नायबिजिनया हाबाफारिजों बिसोरनि सायाव राइज्यो एन्टि काराप्सन बिउर'याव 2018 आव मोनसे एफआइआर थिसन्दों मोन। □

सा 5,26,074 बेरामिफोरनि जिउ गोमाबाय। फारसेथिं करनाखौ होबथानायनि थांखियै हादतनाडै वयनोबो भेक्सिन शुनाय हाबाफारिनि गेजेरजों 202 कौटि 17 लाख 66 रोजा 615 भेक्सिन ड्रप थुखांबाय। बे अनजिमानि गेजेराव 16 लाख 82 रोजा 390 ड्रपआ थांनय सानाव होनाय। राजथावनि दिल्लीयाव थांनय माखासे साननिफ्राय करना सन्देरनाय के सआ फिन बांफिन्दों। रबिबारखालि दिल्लीयाव कभिड-19 नि 729 गोदान केस मोनो आरो बे समाव सानैनि जिउ ख'हा जायो। फारसेथिं बे सानखालि सा 520 बेरामिफोर करनानिफ्राय मोजां जायो। आधिखालाव राजथावनिनि करना सन्देरनाय हारआ 5.04 जौखोन्दोनिफ्राय बारायना 5.57 जौखोन्दोसिम जाहैबाय। □

अरुणाचल सिमनायाव गोमानाय सा 19 मावसुमा-फोरनि गेजेराव सा 10 खौ रैखाथि होनो हाबाय

इटानगर, 25 जुलाई : अरुणाचल प्रदेशनि कुरं कुमे जिल्लानि सिडव थानाय सामिन सार्केलनि साखाथियाव थानाय हुरिनिफ्राय थांनय 14 जुलाईनिफ्राय गोमानाय सा 19 मावसुमाफोरनि गेजेराव सा 10 खौ रैखाथि होनो हाबाय। थांनय 24 जुलाईनि सान्जौफु 1:30 फाहामसालिसिम ट्रेन्सपार एसडिआरएफ आरो गोमानाय ओन्सोलयायारि रैखाथि होग्रा हान्जाया हुरि आरो तापानि गेजेराव थानाय हाग्रा ओन्सोलनिफ्राय नोरजिया थासारियाव रैखाथि होनो हादों मोन। रैखाथि होजानाय सानै कलिबुदिन सेक (27) आरो सामिदुल सेक (19) खौ रैखाथि होनायनि उनाव फाहामथायनि थाखाय हुरियाव थानाय एसबिआइ केम्पयाव



फोरमायनाय बायदिल्ला सानै रैखाथि होजानाय मावसुमाफोर थाफानाय गुबुन सा 4 मावसुमाफोखौ थाबायनो हाथैनि जाहोनाव हाग्रा गेजेराव नो गारसानै फैदों। आइएफ सपार हेलिकप्टरजों गाजि बोथोरनि थाखाय रबिबारखालि संदानाय हाबायाव जेना नुजादों। जायनि जाहोनाव हाग्रा ओन्सोलयाव

बोथोरनि थासारिखौ नोजोर लाखिनायजों दिनें समबारखालि बिसोरखौ नागिरनाय हाबाया सोलियो। बिसोर सानैनि सिगां रैखाथि होजानाय सा 3 मावसुमाफोरखौ हालनिफ्राय कलरियां जिल्ला देहा फाहामसालियाव साबसिन फाहामथायनि थाखाय थिसन्नाय जायो। कुरं कुमे जिल्लानि

डिसि, एसपि, डिएफअआ थिसनजानाय साथाम सुबुंफोरखौ देहा फाहामसालिसिम नायबिजिरहैनायजों लोगोसे बिसोरजों गोनांथार बाश्रा सावगयलायो। मख'नो गोनांदि, खारखोमानाय सा 19 मावसुमाफोरनि बांसिनानो आसामनि बडइगाव, कामरूप, कक्राझार आरो गवालपारा

जिल्लानिमोन जायफोरा बिआरअनि गेजेरजों मावजानाय लामानि लुफामनाय हाबायाव नांथाबबोदों मोन। खौरांनि बायदिल्ला, बिसोर मावसुमाफोरा ईद फोर्बो फालिनायनि थाखाय न'सिम थांनयनि गनायथि बिनायखौ नेवसिगासनायनि थाखाय थांनय 5 जुलाईखालि मोनानि खाबु लानानै अरुणाचल राइज्योनि कुरं कुमे जिल्लानि सिडव थानाय हुरियाव थानाय गावसोरनि केम्पनिफ्राय ख'र खो मा'दों मोन। खारखोमानाय मावसुमाफोरखौ गोथै हाग्रा बारिजों खारखोमा लांनानि जाहोनाव मबाइल फोनांजावथाय एबा लामा फोनांजावथाय जेनानि जाहोनाव संदानग्रा हान्जानिफ्राय नागिरनायाव जेना नुजाथिदों □

द्रौपदी मुर्मुआ हादतगिरि बिबाननि समायखिरा लाबाय

गोदान दिल्ली, 25 जुलाई : द्रौपदी मुर्मुआ हादतगिरि महर् समायखिरा लाबाय। बिथाड गिबिसिन आदिबासि आइजो जाय भारतनि हादतगिरि बिबानखौ आजावबाय। गहाइ बिजिरगिरि एनभि रमनाया बिथाखौ समायखिरा लाहोयो। समायखिरा लानाय हाबाफारियाव मुर्मुआ गावनि बिबुंथिआव आइजोफोरनि थाखाय सान्नायानो गावनि गिबिसिन थांखि जागोन।



बेजो लोगोसे दलितफोर गोम्लैसोनाय हारि आरो निखावरिफोरनि थाखाय गहायै नोजोर होना हादतनि हाबा मावलांगोन होन्नाबो बुडे। सिगां फासै बिथाड बुंवावोदि, सुबुं खांन्थिनि गोहोआनो बे मासिसिम गावखौ सौफैहोदो। गावखौ हादतगिरि सायख'नायाव

गोजाम सांन्दांथिनफ्राय आन्त्रायना गोदान मुगाजो दावबायग्रा लाइमोनफोरनि बिहोमायाबो दंफायो। उदांस्त्रि मोन्नाय भारतआव जोनोम मोन्नाय गावनो भारतनि गिबिसिन हादतगिरि होन्नाबो बुडे। भारतखौ दैदेनलानाय बिबानखौ मोन्नाय गाव गोजोन्नाय आरो गोमगनायबो

मोन्दो होन्नायजो लोगोसे गोबां बाथ्राफोरखौ बिबुंथिआव बुडे। बिथाड बे समाव कागिल देरहासाद साननि थाखाय सिगांयो हामब्लायथिबो बावदो बयबो भारतीयफोरनो। भारतनि नैथि आइजो हादतगिरि बिबान आजावनाय मुर्मुआ आगुनि भारतनि गेदेमा दैदेनगिरि

जवाहरलाल नेहरु, सरदार पाटेल, भीमराव आम्बेडकर, भगत सिख, चन्द्रशेखर आजाद आरो महात्मा गान्धीखौबो रायखाडो। बिथाडा रानि लक्ष्मीबाइजो लोगोसे भारतनि आइजो खुं गिरिफोरखौबो रायखाडो आरो हादतनि थाखाय खामानि मावलांगोननि खोथा होयो।

बिजाथि ऋषि सुनकआ चीनखौ लानानै गिदिर बिबुंथि होदो

गोदान दिल्ली, 25 जुलाई : ब्रिटेननि गहाइ मन्थि जागोननि फारिलाइआव सिगांसिनाव थानो हानाय ऋषि सुनकआ गुबुन बिजाथि लिज ट्रासनि सायाव चीनखौ लानानै गिदिर बिबुंथि होदो। सुनकआ बुंदो गाव ब्रिटेनआव सप्ट पावारनि गेजेरजो चीननि बांसिन जाबोनाय गोहोमखौ होबथागोन, लिज ट्रासआ चीननि हेंथायै गेजेरजो थांखि आजावो हानाय नोख। बिथाडा सोलेंथाइ मन्थि बिबानाव थानानै हाबाफारि मावनाय समाव माखासे कनफिउसियास इन्सटिट्यूटफोरखौ ब्रिटेनआव खुलिदो। बेफोरो चीननि सप्ट पावार बायदि

खामानि मावो। ऋषिया गाव गहाइ मन्थि जायोब्ला ब्रिटेनआव खुलिनाय कनफिउसियास इन्सटिट्यूटफोरखौ बन्द खालामगोन। बिजाथि ऋषि सुनकआ गावजो गोखौ बादायारि बिजाथि लिजनि सायाव दाय जाबसिना बुंवावोदि, चीननो बिथाडा ब्रिटेननि गासैबो इ उ र्नि भ ा र्नि स र्नि ट आ व कनफिउसियास इन्सटिट्यूटफोर गेजेरजो गावनि पगेन्डाखौ गोसारहोनु गनारथि होदो। मख'जाथावदि, ऋषि सुनकनि हेफाजाबगिरिफोर चीन सरकार रंखांन्थि अन्सुंथाय हारिसुआरि मिरु कनफिउसियास इन्सटिट्यूट फ्रि स्पीचखौ होबथादो आरो



बियो गुबुन हादतनि फरायसाफोरखौ संगालि खालामो होन्ना बुंदो। बिजाथि लिज ट्रासआ नै बोसोर सोलेंथाइ मन्थि जानाय समाव गं 9 क न फि उ स य ा स इन्सटिट्यूटफोरखौ ब्रिटेनआव

खुलिदो। ऋषि सुनकआ खोथा होदोदि, गोजो सोलेंथाइ फसंथानफोरव 60 रोजा डलार (47,80,885 रं) निबो बांसिन गुबुन हादतयारि फानिडंखौ होबथागोन आरो गासै इउनभासिटिनिफ्राय चिनी

आइएफआव सिगांनिफ्रायनो बाडइ जादो, जेराव अग्निपथ फैनायजोबो बाडइ जादो

गोदान दिल्ली, 25 जुलाई : सान्थि हान्जाफोरनि गेजेराव अग्निपथ यजनानि गेजेरजो गोदान थिसन्नाय होनाय हाबाफारिनि गेजेराव थिसन्थाइनि अनजिमायाबो बाडइ जादो। अख्रामा सान्थि हान्जायाव थिसन्तो गोनां सान्थि हान्जाफोरनि बोसोरारि थिसन्थाया गोदान बेब'स्थायाव खावसेनिफ्रायबो बाडइसिन जादो। जेराव अख्रामा सान्थि हान्जाया सिगांनिफ्रायनो गासै 10 जौखोन्दो सान्थि हान्जाफोरनि बाडइ जानायजो भुगिनादो। बे बोसोराव अग्निबिरफोरनि महर् अख्रामा सान्थि हान्जानि थाखाय गासै 3500 थिसन्थायखौ दिहुन्नाय जादो। जाय सिगांनि बोसोरनि रुजुनायाव बाडइसिन। रैखाथि मावख'नि फारसे संसदनो होनाय खौरखुव बुंनाय जादोदि,



2015 सिमआव अख्रामा सान्थि हान्जायाव बोसोरफोरखो गासै 5000 जवानफोरखो थिसन्नाय जायोमोन, जायजो सिबिथाइ होनाय जवानफोरनि बाडइ जानायखौ आबु खालामनाय जायोमोन। नाथाय उनाव बेखौ बांहोनाय जादो। 2018 आव गासै 6800 थिसन्नाय जादो, जेराव 2019 आव बेखौ बांहोनाय गासै 7200 आरो 2020 आव गासै 8400 थिसन्थाइखौ दिहुन्दोमोन। 2020 आरो 2021 आव थिसन्थायनि हाबाफारिखौ करनानि जाहोनाव दोन्थ'नाय जादोमोन उनाव सोलिफु बोसोरनि गोदान बेब'स्थाखौ सोलिहोनायनि जाउनाव गोजाम थिसन्थाइफोरखौ दोन्थ'नाय

जादो। बेनि उनाव सरकारनि फारसे अग्निपथ यजनारखौ फोसावनाय जादो। जेराव गोदान थिसन्थायखौ गासै 3500 खालामनाय जादो, जाय गोजाम बोसोरनि थिसन्नायनिफ्राय खावसेनिबो बाडइसिन जादो। मख'नो गोनांदि, अख्रामा सान्थि हान्जाजो लोगोसे गासैबो सान्थि हान्जाफोरनि गेजेराव आथिखालाव सान्थि हान्जाफोरनि गोदान थिसन्नाया अग्निबिरफोरनि महर् जागोन। अख्रामा सान्थि हान्जायाव मार्चसिमआव सान्थि हान्जाफोरनि गासै 6224 मासिया लांदां जानाने दड। थांनाय 2 बोसोराव गासै 15 रोजा थिसन्थाया जायाखै। नाथाय दासिमबो जाय रोखोमै

थिसन्थाया बाडइ जादो बेजो फैनो गोनां समाव अख्रामा सान्थि हान्जाफोरनि अनजिमायाव गोबां बाडाइ जागोनखौ थि मानिनाय जायो। आथिखालाव अख्रामा सान्थि हान्जाफोरनि गासै अनजिमाया 143964, जेराव 22-23 रोजा मासिया लांदां जानाने दड। अनलाइन अन्जादआव जाकुंसारनो हानायनि उनाव बादायारिफोर मोनै आरोबाव फेजजो बारग'नांगोन। मोनै फेजआव डिजिटल फेज आरो फेज 3 आव गहाम देहानि नायबिजिनारयजो बारग'नांगोन। मोनै फेजखौ क्वालिफाइड खालामनाया गोनांथार। बेनि उनाव मेरिट लिस्ट बानायगोन।

रामनाथ कभिन्दनि बिदायआव महबुबा मुप्तीआ गाग्लोबनाय बाथ्रा बुंदो

गोदान दिल्ली, 25 जुलाई : जन्मु-काशमीरनि बारग' गिबि मन्थि आरो पिडिपिनि चिफ महबुबा मुप्तीआ बारग' हादतगिरि रामनाथ कभिन्दनि सायाव थांखिदो। महबुबा मुप्तीआ गावनि मोनसे डूटआव



लिरदोदि, बारग' हादतगिरिया गावनि उनाव मोनसे ओरैबायदि खांन्थिखौ नागारलांदो जेराव भारतीय संबिजिदखौ गोबां खेब सिमफायदो। महबुबा मुप्तीआ बे बाथ्राखौ बे सानाव बुंदो जेब्ला द्रौपति मुर्मुआ समावबारव भारतनि 15 थि हादतगिरि महर् समायखिरा लादो। मख'नो गोनांदि, बारग' हादतगिरि

रामनाथ कभिन्दनि बिदाय लानाय समाव महबुबा मुप्तीआ बिनि सायाव थांखिदो। बियो डूटआव लिरदोदि, आटिकेल 370 नोगोरारि आइन एवा माइनरिट ग्रुप एवा हान्जाखौ थांखिनायाव बियो भारतीय संबिजिदनि मुखव बिजेपिनि राजखांन्थि एजेन्दाखौ आबु खालामबाय। फारसेथि बेनि

सिगां समावबारव द्रौपति मुर्मुआ हादतनि गिबि आइजो आदिबासि महर् हादतगिरि मासिनि समायखिराखौ लायो। चिफ जास्टिस एनबि रमनाआ बिबुंथि समायखिरा लाहोदो। बे समाव द्रौपति मुर्मुआ गावनि बिबुंथिआव कुंदांदि, गावनि थाखाय आइजोफोरनि बाथ्राया सिगांसिन गोनांथार जागोन। बेजो लोगोसेनो गहाय थाखोनि सुबुंफोर एवा गोरिबफोरनि थाखायबो हाबाफारि मावनायनि बाथ्रा बुंदो। बियो बुंवावदो सुबुं खांन्थिनि गोहोआ गावखौ बेसिम लाबोदो। हादतनि निखावरि आदिबासि आरो गोरिब थाखोनि सुबुंफोरा गावनि सायाव गाव-गावनि सायखंखौ नुनो हागोन।

No. TE[Ex] Admn-2/2022/463

EDUCATIONAL NOTICE FOR MODERN OFFICE MANAGEMENT [MOM]2022

Online Applications are invited from Female candidates for admission into 1st Semester of the 3 (three) years Diploma in Modern Office Management course of PCPS Girls' Polytechnic, Guwahati. The applicant must fulfil the following criteria: -

- 1) Candidate must be a Permanent Resident of Assam.
- 2) Candidate must be Female
- 3) Candidate must have passed H.S.S.L.C. (10+2) or its equivalent examination in any stream, i.e. Science, Arts, Commerce.
- 4) Age as on 31/12/2022 - For UR/OBC/MOBC : 22 years, 6 months For SC/ST/PwD : 25 years, 6 months

Applicants are to fill up the online application form which is made available at <http://dte.assam.gov.in> in between 01/08/2022 to 20/08/2022. Applicants must pay an amount of Rs. 500/- (five hundred) only as non-refundable application fee (instructions for payment will be available during online form fill-up).

Sd/-
Director of Technical Education, Assam,
Kahilipara, Guwahati-19.

Janasanyog /D/8956/ 22

No. UDB/Tender /01/2022-23/

Date: 22/07/2022

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequence to be converted and drawn up in the printed of F-2 form are invited from the registered contractors of Class-II and Class-I (A, B, & C) category of Assam PWD (Road & Building) and BTC according to their eligibility for submitting tenders for the works under 15th ASFC/SOPD for the year 2022-23 as stated below. The tenders will be received by the undersigned up to 12.00 Noon on 29/07/2022 and will be opened on the same date & place at 2.00 P.M.

Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Const of RCC Slab culvert near mini PHE at Khuchurabari habi	20.00	Rs.500.00	3 (three) months from the issue of Formal Work Order
2	Const of community hall at Dorjee basti	8.00	Rs.500.00	3 (three) months from the issue of Formal Work Order
3	Detailed estimate for the construction of clock tower at Udalguri Ram Janaki Chowk Traffic police point	20.00	Rs.500.00	3(three) months from the issue of Formal Work Order
4	Const of community hall near Adoni Baptist Church Corramore	10.00	Rs.500.00	3 (three) months from the issue of Formal Work Order
5	Const of Brick boundary wall and toilet at Ambaru Jamburu Sangha Borigaon under Adola VCDC	16.00	Rs.500.00	3 (three) months from the issue of Formal Work Order
6	Const of smart fencing boundary wall at senipara mandir(Amjuli Colony)	15.00	Rs.500.00	3 (three) months from the issue of Formal Work Order
7	Imp of road with E/F & S/G at Goraidhak Nepaligaon village	15.00	Rs.500.00	3 (three) months from the issue of Formal Work Order
8	Const of boundary wall at No 1 Panimudi LP School	11.00	Rs.500.00	3 (three) months from the issue of Formal Work Order
9	Const of road with Earth filling and sand gravelling from 3 no Kundarbil to semrabari including 4 nos HPC	17.00	Rs.500.00	3 (three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 27/07/2022 to 29/07/2022 in the office of the undersigned on payment. The contractor should submit attested copy of latest Registration certificate, labour certificate, latest Income Tax, GST Registration, Financial sound certificate, PAN Card along with the tenders. In case the office remains closed on tender issuing/receiving/opening date the same will be issue/received/opened on the next working day. The successful tenderer has to be submitted 1% (in case of ST/SC/OBC) and 2% (in case of General category). Performance Security Deposit money against the work in the form of Demand Draft / Banker's Cheque only from any nationalized Bank duly pledge to the Block Development Officer, Udalguri Development Block, Udalguri as mentioned above have to be deposited at the time of allotment of work. The BTC authority reserves the right of accepting of tender papers of outright rejection of the same without assigning any reason thereof.

Sd/-
Block Development Officer
Udalguri Development Block

IPR(BTC)-217/2022

No. BTC(E)-206/2022/Pt-I/8

Dtd.25/07/2022

CORRIGENDUM

Kindly refer to advertisement for filling up of 78 nos. of posts of VFA under Directorate of Animal Husbandry & Veterinary Department of BTR, Assam vide BTC(E)-206/2022/Pt-I/6, dtd. 20-07-2022 which was published on 21-07-2022 in the newspaper Dainik Agradoot, Bodosa, Assam Tribune, NiyamiyaBarta, Hayenni Radab. Please read "The vacancy will be filled up as per 6th schedule norms as published in the notice No. BTC/BA-105/2004/408 dtd. 20-10-2010 in the Assam Gazette" in place of "The vacancy will be filled up as per existing rule and resolution policy of Govt. of Assam as per availability in the post based on roster register". The other norms and conditions will remain same.

Sd/-
Member Secretary
Central Recruitment Board, BTR,
Kokrajhar

IPR(BTC)-218/2022

रेल साइथिंआव फिसा फिसा अन्थाइफोरखौ मानो होनाय जायो? मिथिनो गोनां बाथा

जेब्ला जौं रेलजौं दावबायो एबा रेल लामा सेरजौं थाडेब्ला मोनसे बाथाखौ नोजोर होबाय जानांगौ। बेनो जादौं रेल साइथिंआव सेर-सेर मानो अन्थाइ फिसा-फिसा होनाय जायो, हा होनानै मानो समान खालामनाय जाया। बेफोर अन्थाइफोर रेल साइथिंआव मा खामनियव होयो आरो अखाणि बोथोरवबो साइथिंफोर मानो दैआव गोदोआ बायदि गोबां सौंथिबो सिखाडे जानो हागौ नौंथांमोननि गोसोआव। बेफोर सौंथिनि फिनायखौ फे दिने मिनथिना लानि। मानोना बेयो गोनांथार खौरां। रेल साइथिंफोरव अन्थाइ होनायव मोनसे गोथौ बिगियान आरो इन्जिनियारि हाबानै दड। साइथिंनि अन्थाइफोरखौ नोजोर होयोब्ला नुनो मोनगोनदि, बेयाव मोनसेल 'खोलोब गैया। साइथिंनि गाहायाव गोलाव-गोलाव प्लेटसआव बेफोरखौ होनाय जायो, जायखौ सिलपार होना बुडे। बे प्लेटफोरनि गाहाइआव फिसा-फिसा अन्थाइफोरखौ होनाय जायो। बेफोरखौ ब्लास्टार होना बुडे आरो बेनि गाहाइयाव हानि खोलोब मोनै थाबावो, जायनि जाहोनाव रेल साइथिंखौ हानिफ्राय एसे गोजौआव थानाय बायदि नुयो। साइथिंआव ट्रेनआ खारलानाय समाव अन्थाइ, स्लिपार आरो प्लास्टारनि कम्बनेसन एबा गावजौं गावनि मदत होज्जालायनायव ट्रेनि लिखाइखौ सामलायनो हायो। अदेबानि रेल साइथिंआव



थानाय बेफोर अन्थाइआ गिदिर नड, फिसा फिसासो। नाथाय इन्जिनियारिनि मदतजौं बेफोरखौ ओरै बायदि मोजाडे होनाय जायो, जायजौं ट्रेनि लिखाइखौ बेफोर लानो हायो आरो साइथिंखौ गावसालां होया। जंफार अन्थाइनि बदलै जुदि दुलुर महरनि अन्थाइफोरखौ होयोब्ला साइथिंआ सावसालांनो हागौ। फासैथिं गुगालानाय एबा गावसालांनयनिफ्राय रैखाथि होनायजौं लोगोसेनो बेफोर अन्थाइखौ लेयार एबा खोलोब बायदियै होनानै ट्रेकनि साखाथियाव बिफां लाइफांनो गायबाय जाया। अन्थाइफोरनि मदतजौं साइथिंखौ हानिफ्राय एसे फोजौखानानै बानायनाय जायो, बेनि जाहोनाव दैज्जालि समावबो बेयाव दै हाबा आरो साइथिंआ बेनो बे थायो। □

दावदैआ निरामिस ना आमिस मिनथिगौना?



खायसे सुबुंफोर सानफोरमबो दावदै जानो मोजां मोनो। दावदैआ देहानि थाखाय मुलाम्फा गोनां। जायाफोर सुबुंआ निरामिस जाया बिंसोरो दावदैखौ जायो, नाथाय निरामिस जायाफोर दावदैखौ जाया। खायसे सुबुंफोर दावदैखौ निरामिस नड होना बुडे मानोना बेखौ दावनिफ्राय मोनाय जायो। फासैथिं खायसे सुबुंफोर दावदैनिफ्राय दावसा ओंखारो बेनिखायनो बेयो ननभेज एबा निरामिस नड होनाबो बुडे। अदेबानि खायसे सुबुंफोर बे बाथाखौ मानिया। बिगियानगिरिफोरबो बे बाथा बानबुंथिखौ नंखाय फोरमान होयो। बिगियानगिरिफोरनि बुंनय बायदिब्ला, गाइखेरआबो जुनातनिफ्राय मोन्याय अब्ला बेयो माबोरै निरामिस जायो। मख 'नो गोनांदि, हाथाइ गलाफोरव मोन्याय गासिबो दावदैफोर आनफटिलाइज

जायो। बेनि ओंथिया जादौं बेफोर दावदैनिफ्राय दावसा ओंखारो। बे नोजोरै नायोब्ला दावदैखौ ननभेज होनाया गाहाम जानाय नड। बेखौ लानानै बिगियानगिरिफोरखौ बिगियाननि गेजेरजौं सौंथिनि फिनाय दिहुन्दौं। दावदैनि सायाव खालामनाय मोनसे रिस्सार्चनि बायदिब्ला, दावदैआव मोन्थाम खोलोब थायो। गिबिआवनो कलट, नैथिआव गुफुर बाहागो आरो थामदियाव दावदैनि गोमो बाहागो। दावदैनि गुफुर बाहागोआव प्रटिनल' थायो आरो बेयाव जुनातनि मोनसेबो बाहागो थाया। बेनिखायनो बिगियाननि बायदिब्ला, दावदैनि गुफुर बाहागोआ भेज एबा निरामिस। दावदैनि गोमो बाहागोआव प्रटिनजौं लोगोसे कलेस्टूल आरो मेजेमनि बिबांआबो गोबां बिबानि थायो। दावदैआ दावजौं आरो दावज्जालि आथोनारि गोरोबलायनायनि उनावसो सोमजियो। बेयाव गेमिट सेल्स थायो जाय दावदैखौ ननभेज खालामो। अदेबानि बाजारआव सोन्याय दावदैफोरव बे बायदि जेबो थाया। मख 'जाथावदि, दावजोआ 6 दाननि जायोब्लानो दावदै होयो। बेयो सानसे खावसे समनि उन उनाव दावदै होयो। बेनि थाखाय दावजोआ दावज्जालि ओंथोनारि सोमोन्दो लाखिलायनाड। जायफोर दावजोआ दावज्जालि ओंथोनारि सोमोन्दोआव फैयालासेनो दावदै होयो, बेखौ आनफटिलाइज दावदै होना बुडे। बेनिखायनो बाजारआव मोन्याय दावदैफोर निरामिस होना बुंजायो। □

12 बोसोरनि सिगां मेडेल देरहानाय आश्विनीआ कमनवेल्थ गेम्सयाव दिन्थिफुंनो थियारियाव दड

गोदान दिल्ली, 25 जुलाई: भारतीय आइजो शाटलार आश्विनी पनाप्पाआ कमनवेल्थ गेम्सयाव फिन गोखोडे दिन्थिफुंनो थियारियाव दड। दिल्लीयाव 12 बोसोरनि सिगां खुंजानाय कमनवेल्थ गेम्सनि आइजो डाबल्सयाव गल्ड मेडेल देरहानाय आश्विनीनिफ्राय बर्मिंघमआव मेडेल देरहागोननि मिजिंथिदौं। बिथानि बिफा एम.ए. पनाप्पाआबो भारतनि थाखाय हकी टीमयाव बाहागोयारि जाखांबाय। 12 बोसोरनि सिगां आइजो डाबल्सयाव जारिमिनारि गल्ड मेडेल देरहानाय भारतनि डाबल्स गेलेगिरि बिथाड कमनवेल्थ गेम्सनि थाखाय थियारियाव मुखुब जाना दड। आश्विनीनि देरहानाय रेकर्डफोर थारैनो बाखानायथाव। बिथाड बेरेखा गेलेगिरिफोरनि सार्थिस आरो रिटर्नखौ दासिमावबो मोजाडेनो सामलायनो हायो। कमनवेल्थ गेम्सयाव गं 2 गल्ड मेडेलजौं गासै गं 5 मेडेल, वर्ल्ड सेम्पियनसिपयाव ब्रन्ज मेडेल देरहानाय खेब 2 अलिम्पियान आश्विनीआ 28 जुलाईनिफ्राय जानो गोनां गेम्सयाव फिन मेडेल देरहानायनि थांखिजौं बादायगोन। कुर्गनि थागिबि 28 बोसोरनि आश्विनीआ सोलिफु बोसोरव गोबां गावनि नाजानायखौ फोरमायनानै 10 बोसोरव गावनि दिन्थिफुंनयाव गोबां सोलायनायजौं गोखौंसिन आदब लाबोनो हानायखौ फोरमायदौं। बिथाड 2010 आव कमनवेल्थ गेम्सयाव गावनि गेलेनाय केरियारखौ जागायदौंमोन। आश्विनीआ ज्वाला गुट्टाजौं जथायै दिल्ली कमनवेल्थ गेम्सयाव भारतनि जानानै आइजो डाबल्सयाव गिबि गल्ड मेडेल देरहादौंमोन। भारतीय टीमआ बे समाव सिलभार मेडेलबो देरहादौं आरो आश्विनी-ज्वालाया



4 बोसोरनि उनाव सिलभार मेडेलबो देरहादौं। अर्जुन बान्थाजौं मान बाउजानाय आश्विनीआ गल्ड कस्टआव खुंजानाय थानाय कमनवेल्थ गेम्सयाव भारतनि जानानै मिक्स टीम इभेन्टयाव गल्ड मेडेल देरहानाय गोबां बिहोमा होदौं। बिथाड 2018 आव सिक्कोजौं जुथायै ब्रन्ज मेडेल देरहादौंमोन आरो बे समाव गिबि टीमनि गल्ड मेडेल देरहानायजौं गावनि केरियारनि जारिमिनखौ साननि हांखोजौं लिस्नो हादौंमोन। थानाय खेब 3 कमनवेल्थ गेम्सयाव आश्विनीआ आइजो डाबल्सयाव मेडेल देरहादौंब्लाबो बे खेबनि कमनवेल्थ गेम्सयाव क्वालिफाइड जानो हायाखै। मानोना बिथानि आइजो ज 'रा गेलेगिरि एन सिक्को रेड्डिआ जोखोमनि थाखाय ज 'रा सेलेक्सन ट्राइलनि फाइनालयाव जेन्नाडो। □

चेस अलिम्पियाडनि टेस्ट इभेन्टयाव सा 1414 बादायारिफोर बाहागो लादौं



चेन्नाइ, 25 जुलाई: चेस गावसोरनि रौं गौथिखौ अलिम्पियाडनि 44 थि दिन्थिफुंनौं। इभेन्टयाव बाहागो अलिम्पियाडआ जागायनो सानथामल' सम दसै। बेनि थाखाय थियारिखौ नोजोर लाखिनानै रबिबाराव खुंजानाय सा 1,000 निखुइबो बांसिन टेस्ट इभेन्टयाव बादायारिफोर बाहागो लादौं।

एम.ए. सुब्रमनियाम, टि.एम. अनवरसन आरो पि.के. शेखर बायदि मुंदांखा राइज्यो मन्थिफोरबो बे इभेन्टनि समाव बाहागो लाफेदौंमोन। गुबुन गुबुन बैसोनि केटेगरियाव खुंजानाय बे इभेन्टयाव सा 1,414 बादायारिफोर बाहागो लादौंमोन। इभेन्टखौ सामलायग्रा दाबि खालामनाय बायदिब्ला सा 1,414 गेलेगिरिफोरजौं खुंफुंजानाय टेस्ट इभेन्टआ खुंफुंजानाय नभेल बुक अफ वर्ल्ड रेकर्डयाव थिसनजानायनि फारिलाइयाव फैयो। चेस अलिम्पियाडआ गिबियै भारतआव खुंफुंजादौं। बे अलिम्पियाडयाव मुलुगनि दर 180 हादतफोरनिखुइबो बांसिन बादायारिफोर बेयाव बाहागो लागोन। भारतआ अपेन आरो आइजो मोनै केटेगरियावबो 3-3 टीमजौं बाहागो लागोन। हादतनि गाहाइ मन्थि नरेन्द्र मदिआ बेनि थाखाय नेहरु इन्डर स्टैडियमआव तामिलनाडुनि गिबि मन्थि एमके स्टालिननि नुजाथिनायाव इभेन्टखौ बेखेवगोन आरो फैगौ 29 जुलाईनिफ्राय बे इभेन्टआ खुंफुंजानानै फैगौ 10 आगस्टखालि थुंगेगोन। □

रंजालि गथ 'फोरनि सौरा

गसाइ बादि

सुबुड थानानै थानाय बैसोआव हारिनो समाजनो सुबुंनो गावनो

नखरनो आबहावानो हामगुजु बिहोमा होलां

अब्लानो सुबुड सुबुंनि गसाइ बादि

हारिनि बिफा महात्मा गानधी जोहोलाव सोमदोन

राजा इरगदाव गसाइ बादि सिबि

अनसाय खुलुम नौंबो सैथोआ अराय दं

नंखाया जाइखलं सिमां सोदोमसि लामा आगान सुर

मुलुगाव गारां आगान नौंबो अनसाय जागोन

सिबि जागोन खुलुम जागोन गसाइ बादि

राम-राबन दावहा गिबि मुंखलं जतायु दावमा

हुनुमाननि गोथारा अरायबो बिखानि सैथो

मुलुगाव फोजौंलांबाय गोजौं सोरां सैथो हाजोमा-अख्रामा दावबाय हैबाय सुबुं

सेरफा तेनजं नरखे, एदमाण्ड हिलारि कल्पना जाउला, राकेस सर्मा

बिरौंदाभिन बिगियान मुलुगा दावगाबाय टमास आलभा एदिसन, वाटार मेन

अख्रामानि जौंबाय थानाय अलंबार सालौं नौंबो

नौंबो दावगा सिगां मुलुगानिनो गसाइ बादि जा।

-रैदोम बर', माजदिया, बगुलामारि, बागसा

सिरिजाहाद मोनहोआ जासे

आनि दावबायनाय लामाजौं

अखाफोरा आरुथियै ओंखारबोदौंमोन लामाफोरबो मोनसेनि उनाव गुबुन मोनसे आरोबाव गेवना होदौंमोन आनि मोखाडव दावबायनागौनि थाखाय..... थाद 'नाय गैरैसिम।

रेहाय मोननाय मोनसे बिन्दोआव जानो हागौ थाबैनो अखाफोरा आंजौं जिरायफागोन गोमोम हाजोनि थिखिनियाव..... आरो बेगर फोगोन गेवलांसारनाय महरजौं बयनिबो गोरबोआव सोरांसि समाव, बिनि जिरायनाया जागोन आरो गोजान दावबायनायनि जागायजेननाय

जेन 'जागायनो होननानैनो थाद'दौं। अखाफोरनि आगाना आनि गोरबोआवबो दं।

दा अखाफोरा सम गैया आनि मोखां नायनो आरो आंहा सम गैया बिनि मोखां नायनो नाथाइ बिनि मोखाडव आनि मोखां आरो आनि मोखाडव बिनि मोखां.....

बियो जोमैजौं खारफायोब्ला आनि आखाइ आथुमाव थानाय गोहोजौं आंबो खारो जोफरुलाडे हाद्रिनि हाथ 'पला, अखाफोरनि आगानजौं आनि गोरबोआ रावखौबो सिरिजाहाद मोनहोआजासे मोखांसे हाजोनि थिखिनि गाफलेलाडे.....

मदन नार्जारी वाक्सा

सिरिनाय बिलाइ: आनि बराद

आंखौ नौंसोर बुथारदो मानोना आनि गोरबोया आंगोफोरखौ नेवसिनो हाया।

आंखौ नौंसोर बोलि होदो मानोना

आं अन्थाय बिखा जानो हाया

आंखौ नौंसोर बुगिलदो मानोना

हेंथा होनो आंहा गोहो गैया।

आंखौ नौंसोर मुं सुदो मानोना

आं नौंसोरखौ रायखोमानो हाया।

उदासि आरो

मोन्थाय

फंसे रावनि

फंसे सोदोबनि

आंहा गैया।

नौंनि

बेनि

बैनि सिगांयाव बुंनो।

मानोना

आनि सोदोबनि ओंथि गैया

नौंसिनि सोदोब बिहुडव

खामग्लिथौं

गाबनांथौं

दाख्यानंथौं

आं अराय जिउ जोबजासिमाव

सहायना थागोन

बालाबारनि फांसे बिफां जाना

रानजिं खुजिं।

अब्लाबो आं ब'बा

नौंसोरनि सेराव।

नौंसोर सैथो नौंसोरनि मोन्दांथि

आं बेखावु आनि सिनायथियाव

आंगो बज 'बनायाव।

सिरिनाय गांसे बिलाइ

आनि बराद।

देब 'ज्योथि बसुमाथारि कक्राझार

दाउमासार दाउ

सोमखोर समायना हिमालय हाजो इनयनो नौं लुनदा - लुनसि हारांगा हुरांगा

अनथाव-बाथाव बिखाजौं बजवना लायो बयखौबो स्नाय-स्नाय दैमा-दैसा निजोरा

ज्राम-ज्राम दै बाथुम अन्थाइ बास्लाय-बास्लाय गां बुब्राब बुब्राब मोसायो दाउमासार दाउ

हिमालय हाजोनि बिखायाव रिंखानाय सोदोबाव रंजायो मोसायो बिफां लाइफांनि दालाइ बिलाइयाव

बिरद' बाद' बाना हाइला- हुइला फागुन बोथोरनि

सोमब्लि बिबार बारनाय बोथोरव दुखु -दाहा बावहाव- बावहाव

दाउमासार दाउ गोदौं मिलौदो गारां बोहाव - बोहाव

मिथिंगा बिखायाव उदाडैबिरथिं- बिरथिं रंजा खुसि गां फुवार- फुवार बिरदौं

हाजो हायेननि मानसि दुमसि दाउमासार दाउनि मिलौदो गाराडव

बोदोर जायो रंजा बाजानो बावना दुखु- दाहा उदां अखोरं सा-सा बिरबायना

दाउमासार दाउ जानायमोनबा गोरबो जायो संसार मायानि गंसे बै बहुमखौ

बिरथिना नायगौमोन बिजिर-बिजिर उदाडै दाउमासार दाउ जानायमोनबा।

-रैदोम बर', माजदिया, बगुलामारि, बागसा

(□ 1 बिलाइनिफ्राय)

बिजनी दख 'रा एबसुनि बान्जायनायाव फोरोंगिरिफोरखौ लानानै सावराय मेल

फरायसा आफादन आफादगिरि बिथां दिपेन बर'आ। बिथाइ गवनि बिबुंधियाव बुडोदि- "आदब आरो गुन गोनां सोल्लोथाइनि मावथांखि 'खौ बिथा खालामनानै दुलाराय बर' फरायसा आफादा गोखोडे' हाबा मावगासिनो दं। एबसुनि हाबा मावनायजोनो बर' बिजोंजों फरायनानै मेट्रिक आरो गोजौसिन गेजेर फरायसालिनि आन्जादाव उश्रसार जानाय फरायसाफोरनि अन्जमाया सिगां समफोरनिखुइ देरगाय सावसिन जानो हादों। बिथाइ बुंवावोदि- बर' बिजोंखौ फोथानाय आरो फरायसाफोरखौ गुनगोनां सोल्लोथाइ होनो बर' बिजोंनि साफ्रोमबो फोरोंगिरिफोरानो बिबान लानो नांथारगौ। दुलाराय बर' फरायसा आफादा जेब्लाबो हारिनि इयुनखौ नायनानै हारिनि मोजां आरो जौगाथाइनि थाखायनो खामानि मावबोदों, मावगासिनो आरो इयुनावबो मावलंबाय थागोन। सोरबा एबसुनि सायाव गाद'बनो नाजानाय, खौसार सानो नाजानाय, फोजोबस्त्रांनो नाजानायखौ जेब्लाबो गनायनानै लानो हानाय नड होनानै बुंधिबावो बिथाइ। दख'रा आफादनि बान्जायनायाव लानाय बे गोनांथार मेलववनो जर'खा आलासि महरे बाहागो लानो चिरां जिल्लानि एडिसि रिखां मुसाहारि, हांखायजानाय आलासि महरे बाहागो लायो बर'बाजार सोल्लोथाइ खोन्दीनि बिइइअ निरमल नाजॉरि, मिरु एबसुनि लोगो गेलेमु नेहाथारि गनेश बसुमतारी, थुनलाइयारि नेहाथारि समित नाजॉरि, सुबुं फोनांजाब नेहाथारि बिरखां नाजॉरि, लोगो थुनलाइयारि नेहाथारि मिनराम बरगयारी, लोगो गेलेमु नेहाथारि मिनिसोरं ब्रह्मजों लोगोसे गोबां फोरोंगिरिफोरा बाहागो लायो। □

2022 माइथायनि मेट्रिक आन्जादआव टप-5 मारि आवग्रिनो हानाय फरायसाफोरनो सेथि 'गुरु बाबा योगेस्वर ब्रह्म' बान्था गथायदों

बरयनाय हाबाफारिनि गेजेरजों 2022 ई माइथायनि मेट्रिक आन्जादआव जौसिन बाथि मासिआव जायगा आवग्रिनो हानाय फरायसाफोर फारिये- उदालगुरि जिल्लानि सेक्रेट हार्ड'गोजौ फरायसालिनि फरायसुलि चित्रा ब्रह्म (91.83 जौखोन्दी), बावसा जिल्लानि ककलाबारि गोजौ फरायसालिनि फरायसा जायख्वं ब्रह्म (90 जौखोन्दी), उदालगुरिनि सेक्रेट हार्ड'गोजौ फरायसालिनि फरायसुलि प्रिया तामा ब्रह्म (89.33 जौखोन्दी), सनितपुरनि जिबन इलिस एकाडेमिनि फरायसा रिफि नाजॉरि (89 जौखोन्दी), डेमाजि जिल्लानि सिमेन सापरि जातिथ बिद्वलयनि फरायसुलि सविता नाजॉरि (86.5 जौखोन्दी) मोनखौ बरयनायजों लोगोसे सेथि 'गुरु बाबा योगेस्वर ब्रह्म' बान्थाखौ गथायनाय जायो। बे हाबाफारिनि गेजेरजोंनो उदालगुरि जिल्ला ब्रह्म धोरेम लाइमोन आफादनि जोडे 2022 ई माइथायनि मेट्रिक आन्जादआव ब्रह्म धोरेम सिबियारि नख'र'फिनप्रय जौसिन सा 15 थि मासिआव आन्ग्रिनो हानाय सा 15 फरायसाफोरखौबो बरयनायजों लोगोसे मान बावनाय जादों। दुलाराइ ब्रह्म धोरेम लाइमोन आफादनि लेइइ आफादगिरि खोदोम बसुमतारिनि मासि सामलायनानै दैदेन्याय बे हाबाफारियाव बोसोनगिरि फुंखा सुबुं महरे बाहागो लादोंमोन। बर'नि सासे मंदांखा लिरगिरि आरो सिइटि कक्राझारनि फोरोंगिरि ङ निजोम नाजॉरि, एबसुनि बारा' लेइइ गाहाइ नेहाथारि कास्तम बसुमतारी, हांखायजानाय आलासि महरे बाहागो लायो दुलाराइ ब्रह्म धोरेम फोसावदिं आफादनि गाहाइ फोसावगिरि बाबा मनरन्जन ब्रह्म आरो रंसारि गुरु बाबा योगेस्वर ब्रह्मनि अनसुलि बिबि रन्जिला ब्रह्मआ। □

लाल बाहादुर शाश्त्रि बिद्यापिठखौ गोजौसिन गेजेरारि फरायसालिसिम फोजोखादों

बाउवो फरायसालिनि आजिरा मोन्नाय गाहाइ फोरोंगिरि रुदेस्वर पाठकआ। 10:30 रिगायाव फरायसालिनि भवनखौ बेखेवजेन्ना होयो एम एल ए फनि भुशन चौधुरीआ। आलासि बाथि फोजौनानै थाखो ख'थाखौ बेखेवनानै होयो बडइगाव जिल्लानि फरायसालिफोरनि नार्यादिगिरि जतखा रानी बर्मनआ। बेनि उनाव फरायसालिनि सावराय नक्लाइव फरायसालि सामब्लाय आरो जौगाखां आफादनि आफादगिरि अनिल कुमार सिंहनि आफादगिरि मासि सामब्लायनायाव बेखेव हाबाफारि खुंन्या जायो। बेखेव हाबाफारिखौ मेथाइ रोजाबनानै बेखेवनायनि उनावो फुंखा सुबुंफोरखौ बरयनाय जायो। फोरोंगिरि महरे गोदानै हाबफैनाय साब्रे फोरोंगिरिफोरखौ आफादगिरि अनिल कुमार सिंहआ बिहु फालिजों बरायो। बेनि उनाव 11 थाखोयाव मुं थिसन्याय गासै सा 26 फरायसाफोरखौ एम एल ए फनि भुशन चौधुरीआ गांफा-गांफा बिहु फालिजों बरायो। बे हाबाफारियाव ओन्सोलनि गागि सुबुं, दिथागिरि, फरायसाफोरबो बाहागो लादोंमोन। □

साखिखौ अरायथा खालामाब्ला मोब्लिब बिफाननि मावफारियाफोरा सोमावसारनो हुमखि होदों

खौरंगिरि मेलव आफादनि मिरु नेहाथारि माधव चन्द्र बसुमतारीआ बुडोदि सरकारि मावफारियाफोरनि बायदि सान-हर खामानि मावनानैब्लाबो मोब्लिब बिफाननि माखासे मावफारियाफोरा दिनेसिम मोजां मान आरो दानबान्था मोन्नायनिफ्राय जानगराव थाबोनादों। रइज्यो सरकारनि सिगांनि गोहो मन्थ्रि बिमल बराआ बिफाननि अरायथा नडे मावफारियाफोरनि साखिखौ अरायथा खालामनो खोथा होदोंमोन। अदेबानि दिनेसिमो जेबो रहा लानायखौ नुनो मोनासै। जायनि थाखाय बिसोर मावफारियाफोरा रंखाथियारि जेनानि गेजेरजों जिउ खानो गोनां जादों होनानै बसुमतारीआ बुडो। खौरंगिरि मेलव आफादनि बरपेता सार्कलनि आफादगिरि गजेन हालैआ बुडोदि, एपिडिसिएलनि गेजेरजों रइज्यो सरकारा जेसेबां खाजोना बोखांबोदों बेयाव बिफाननि आउट सर्स मावफारियाफोरा सिमा गैथै बिहोमा होबोदों। मुडवल' दानबान्था मोन्नाय गवनि जिउनि रेखाथि गैया लासेनो आउट सर्स मावफारियाफोरा सान-हर मोनसे रोखोमै बिफाननि फासै सिबिथाय होबोदोंब्लाबो दिनेसिमबो बिसोर मावफारियाफोरनो सरकार बिमा बाथुलनि नोजोरजों नायबोदों होनानै खुद्रिखानाय फोरमायो। हालैआ मोब्लिब बिफाननि आउट सर्स मावफारियाफोरनि इयुनिनि फासै नोजोर होनानै थाबैनो बे बिथिखव रहा लानो सरकारनिसिम दाबि दैखाडो। गुबुन फासैथि जुदि सरकारा बे आयदानि सायाव गोनांथि होया अब्ला फेगो आगट दानाव सम सिमा गैथै खामानिफोरखौ बन्द' दोनगोन होनानै दिने खौरंगिरि मेलनि गेजेरजों मावफारियाफोरा हुमखि होयो। दिनेसिम बे खौरंगिरि मेलव आफादनि बरपेता सार्कलनि नेहाथारि खर्ग सेत्रिजों लोगोसे गोबां मावफारियाफोरबो बाहागो लादोंमोन। □

मानास माहारियारि पार्कआव हाग्रा बिफाननि बरेखायै सोमावसारदों

लाबोनाय बिफानरि गंने जीपसि गारिजों पार्कनि सिडव हाबनायखौ लानानै जायगानि रइजो-रजाफोरजों लोगोसे गेदेर मानास संरखाथिनाय आरो दावबायारि जौगाखां आफादआ थासासिखौ दुहाव खालामदों। हेंथा सोमावसारगिरिफोरा गाहाय हाबग्रा गेटआवनो हाग्रा बिफान हाइ-हाइ, फिल्टर डिक्कर ग बेक्क, जौनि दाबिखौ मानिनांगोन बायदि स्लगानजों हेंथा सोमावसारो। मख'नो गोनांदि, मानासनि दावबायारि बिथिखव गुबुन गुबुन मासुल बानायनि थांखिनि हेंथायै गेदेर मानास संरखाथिनाय आरो दावबायारि जौगाखां आफदजों लोगोसे मोन 15 आफदआ थानाय 11 जुलाइनिफ्राय लांश्रिये सोमावसारनाय हाबाफारिखौ लाखिलंबाय थागोन। मासुल बानायनि हेंथा सोमावसारनाय मानास जीप साफारि आफदआ जोबनाय गैथै समनि थाखाय बन्द खालामनानै होदों मानासनि जीप साफारिखौ। बेबादि थासासियावनो दिने बिफानरि गारिजों दावबायारिफोरखौ लाबोनाय मानासआव हाबनायनि बाश्राखौ मिथिनो मोन्नायनि उनावो सोमावसारगिरि आफदफोरनि दैदेनगिरि-सोदोमाफोर आरो जायगानि सुबुंफोरा खुद्रिखानाय फोरमायो आरो बिफानरि बिफानखौ फिन्नाय गैथै खालामो। मिथिनो मोन्नाय बादिथै बिफानरि गंसे जीपसि गारिआ बीमा गैया। बीमा गैथै गारिखौ मानासनि सिडव हाबनायखौ लानानैबो खुद्रिखानाय फोरमायदों सोमावसारगिरिफोरा। जायनि उनाव बाहबारिनि रेन्जार बाबुल ब्रह्मआ जाथायसालिआव नुजाथिफेनानै हेंथा सोमावसारगिरिफोरजों सावरायलायनानै इयुनाव बेबादि जाथाया फिन सोमजिनाय नड होनानै बाश्रा होनायावसो हेंथा सोमावसारगिरिफोरा नोरेम जायो। हेंथा सोमावसारनाय हाबाफारिआव बाहागो लानानै गेदेर मानास संरखाथिनाय आरो दावबायारि जौगाखां आफादनि आफादगिरि बुबुल नाथआ रइज्यो सरकार, हाग्रा बिफानजों लोगोसे बिटिआर बिफानखौ हाबनाय मासुलखौ बाइइ खालामनो दाबि देखादों। बेबादि थांखि लायाब्ला लांश्रिये सोमावसारनाय हाबाफारि खालामनाय जागोन होनानै हुमखि होयो। □

कसुगाव भिसिडिसिनि बान्जायनायाव हर घर तिरंगानि सायाव मेल खुंदों



गसाइगाव, 25 जुलाई: भारत उदासीआ 75 बोसोर आबुं जानायजों लोब्बा लाखिनानै उदांसिनि अमृत महत्सबनि बाहागो महरे फेगौ 13 निफ्राय 15 आगप्टिसिम हादतनि गासैबो नख'र-नख'र हादतारि फिफिलाखौ लगायनानै दोन्नांगीनि बिथोनखौ लानानै दिने गसाइगाव महकुमानि सिडव थानाय कसुगाव भिसिडिसिनि बान्जायनायाव कसुगाव हाथय आफादनि नक्लाइव मोनसे सांग्रांथियारि मेल खुंन्या जायो। लोगोसे राइजो-राजाफोरखौ कभिड-19 नि भेक्सिन बस्टर ड'जखौ गासैबो सुबुंफोरखौ लाहोनांगौखौ आयरदाखौ लानानैबो सांग्रांथियारि मेल खुंफुडे। बे हाबाफारियाव कसुगाव जौगाखां बिफाननि बिबानगिरि सानसुमा बसुमतारी, गसाइगाव बियाबनि टिसिएलसिसिनि मासिगिरि थ'मास नाजॉरि, कसुगाव ब्लक गुदि देहा फाहामसालिनि देहा फाहामगिरि आरो कसुगाव मन्दल बिजेपि दोलोनि आफादगिरि मोनजों लोगोसे कसुगाव भिसिडिसिनि मासिगिरि आरो ओन्सोलनि गोबां राइजो-राजाफोराबो बाहागो लादोंमोन। बे हाबाफारियाव बाहागो लानानै भारत सरकारनि बिथोन बायदिथै ओन्सोलनि गासैबो राइजो-राजाफोरखौ फेगौ 13 आगप्टिनिफ्राय 15 आगप्टिसिम गाव-गावसिनि नख'शव हादतनि फिफिलाखौ लगायनो आरो कभिड-19 बेरामनिफ्राय रैखा मोनो भेक्सिन बुस्टर ड'जखौ लानो थाखाय बयखौबो खावलायहरनायजों लोगोसे खाथि-खाला गामिनि सुबुंफोरखौबो खावलायनगौ होनानै कसुगाव भि सि डि सिनि मासिगिरिआ फोरमायो। □

(□ 1 बिलाइनिफ्राय)

आसाम प्रदेश बिजेपिआ राइज्योयारि फोरोंथाय बादा खुंफुंदों

जनता पार्टि, आसाम प्रदेशनि लोगो लिंथुमगिरि पवन शर्मा, गागि दैदेनगिरि ङ प्रदिप ठाकुरिया, मिरु सरकारनि गुबुन हादरयारि नेमखाथिनि सोमोन्दे माहारियारि लेइइ आफादगिरि आरो आसामनि लिंथुमगिरि बैजयन्त जय पन्ड, मिरु सरकारनि निखावरि अन्साय बिथांखिनि सोमोन्देनि गामि जौगाखां मन्थ्रि रन्जित कुमार दास, समाजयारि बिजोंनि थार बाहायनायनि सोमोन्दे हेमन्त गस्वामी, मिरु सरकारनि आबादनि बिथिडव लानाय थांखि आरो जौनि मोन्दांथिनि सोमोन्देनि आसाम आबाद मुलुग सोल्लोसालिनि भाइचसेन्वेलर बिद्युत चरण डेकामोनजों लोगोसे रइज्योनि माखासे फुंखा सुबुंफोरा फोरोंथाय होदों। राइज्योयारि फोरोंथाय बादायाव दोलोनि गागि दैदेनगिरि बिजय गुप्ता देबआ बिबानगिरि महरे सामलायनायजों लोगोसे फोरोंथाय बिफाननि लिंथुमगिरि ब्रज कुमार दासजों लोगोसे सेलनि मावफारियाफोरा फोरोंथाय बादाखौ जाफुंसार खालामो। बेखेवनाय आरो थुंगेनाय हाबाफारिआव आसाम प्रदेश बिजेपिनि आफादगिरि भवेश कलिताया दोलोनि रइज्योरि बिबानगिरिफोरजों लोगोसे जिल्ला आफादगिरि आरो गाहाय नेहाथारिफोरा बाहागो लानाय फोरोंथाय आजावनाय मावफारियाफोरखौ हामलायथि होनायजों लोगोसे फोरोंथाय दोलोनि आफादयारि बिथाखौ गोखों खालामनायाव गोनांथार बिफाव आजावनानै लागोन होनानै मिजिंथिनाय फोरमायदों। □

बडाइगाव रिफाइनरि मुंखौ सोलायनानै बड'लेण्ड रिफाइनरि....

रिफाइनरिनि सिडव 4 थि थाखोनि साखिखौ ओन्सोलनि सार्थंआव ओन्सोलनि सुबुंफोरा खाबु मोन्नाय बादिथै आन्जादखौ जायगायावनो खुंन्या, सिएसआर फण्डखौ बाहायनायाव ओन्सोलनि सुबुंफोरा बेसेबां मुलाम्फा जादों बनि सायाव गेबें खेंफोरथि आरो बडाइगाव रिफाइनरिखौ 2 जौखोन्दी एमएमटिनिफ्राय 5 जौखोन्दी एमएमटियाव आपग्रेड खालामनायनि मुंडव 315 एकर हा लानो नागिरनायखौ बर' आरो ट्राइबेल थानाय हाखौ लानो मोन्नाय नड बाइदि बाइदि गासै मोनब्रे दाबिफोरखौ लानानै आइ.अ.सि.एल बडाइगाव रिफाइनरिनि सिफ जेनेरेल मेनेजार आरो रिफाइनरि सिफ नयन कुमार बरुवाजों लोगोसे आइ.अ.सि.एलनि अफिसारफोरजों सावरायलायदों। बे सावरायनायाव मिरु एबसुनिफ्राय फारिये लोगो आफादगिरि खोरेमदाव औवारी, गाहाइ नेहाथारि खनिन्द्र बसुमतारीजों लोगोसे चिरां जिल्ला एबसुनि आफादगिरि राजु मोसाहारी आरो लोगो गाहाइ नेहाथारि रैदियान नारजारी मोनहाबो बाहागो लायो। □

द्रौपदि मुर्मुआ भारतनि हादतगिरि महरे बिसायख'जानानै समाइ खिरा....

मोन्नाय जादों। आदिबासि हारिनि गिबि आइजो बे सन्मान मोननो हानायाव जर'खायै आदिबासि आजिफोरनि गेजेरव रंजानायनि दोहौ सोमजिदों। आदिबासि दोलो-आफाद आसा, आपा, एसु, आकमा आरो जेइइएसएसिसआ जुथायै खुंफुंन्याय बे देरहासार फोरबोआव आदिबासि हारिनि हौवा-हिन्जाव, गथ'सा गासैबो मेथाइ रोजाबना-मोसानानै रंजाखानायनो नुनो मोन्दें। देरहासार फोरबोआव बाहागो लानाय आफादफोरनि सोदोमाफोरा ट्राइबेल हारिनि सासे आदिबासि आइजोखौ हादतगिरिनि मासियाव बिजाथि फसनांने गोबां भटआव देरहासार होनाया रंजाखानाव खोथा होना बुनानै भारतनि जातिमिनाव बेयो मोनसे जातिमिनारि जाथाय होनानै फोरमायनानै सरकारनिसिम साबायखर जासिहरनायजों लोगोसे हादतगिरि द्रौपदि मुर्मुनिसिम गाहाम हामब्लायथि जासिहरो। □

बाक्सानि सुबनखाताआव हाग्रानि मैदेरनि उदखार

मुसलपुर, 25 जुलाई: बाक्सानि भारत-भुटान सिमायाव सानफ्रोमबो सोमजिबोबाय थाबोदों हाग्रानि मैदेर आरो सुबुंफोरनि गेजेराव मोगा-मोगिनि जाथाया। आदार नागिरनानै हाग्रानिफ्राय ओंखारबोनाय मासे गिदिर मैदेर गोलाव समनिफ्रायनो सुबुं मैखोम ओन्सोलाव हाबफैनाय उदखार खालामबोबाय थाबोदों। बेबायदिनो दिनेबो बाक्सा जिल्लानि सुबनखाता संरैखाथि हाग्रा ओन्सोलनि सिडव थानाय सुबनखातानि तामां बस्ति, तिल बाहादुर तामां, मन माया तामां आरो मनि कुमार सुब्बा नि न'-बांफोरखो बोफाय-बोसि खालामनायनि अनगायैबो माइ-माइरंफोरखौ जानानै खहा खालामलाडो। बेनि बांखौ बोफाय-बोसि अनगायैबो हाग्रानि मैदेर माखासे



खालामो। थानाय रबिबास्खालि हरनि समाव मासे गिदिर हाग्रानि मैदेर गामियाव हाबनानै सेम बाहादुर तामां, तिल बाहादुर तामां, मन माया तामां आरो मनि कुमार सुब्बानि न'-बांफोरखो बोफाय-बोसि खालामनायनि अनगायैबो माइ-माइरंफोरखौ जानानै खहा खालामलाडो। बेनि अनगायैबो हाग्रानि मैदेर माखासे

सुबुं फोनांजाबनि आजिरा मोन्नाय मावफारिया नरेन चन्द्र बर्मनआ रंसारि जाबाय

दिसपुर, 25 जुलाई: फोरमायथाय आरो सुबुं फोनांजाब बिथोनगिरि मावख'नि आजिरा मोन्नाय मावफारिया नरेन चन्द्र बर्मनआ दिने गुवाहाटीनि हायात देहा फाहामसालियाव जोबथा हां बोयो। मख'नो गोनांदि, बिथाइ थानाय 1972 माइथायव साखि मावजेन्ना 2007 माइथायव प्लेनि फोरमायथि रिसासनि लोगो बिबानगिरि महरे आजिरा लायो। थैनाय समाव बिथाइ बिसि आरो सासे जुलि जानाय फिसाजोखौ अरयनि थाखाय नागरालाडो। सुबुं फोनांजाब बिथोनगिरि मावख'नि सासे बाउसोमनानै खामानि मावग्रा थार गोसोनि मावफारियानि रंसारि

जालानायाव बिथोनगिरि मावख'नि गासैबो बिबानगिरि-मावफारियाफोरा जोबथा मान बाउनायनि अंसिलायै मोनसे दुखु फोरमायथि मेल खुंन्या जायो। उग्र बिथोनगिरि प्रदिप ब्रह्मनि दैदेन्यायव खुंफुंन्याय दुखु फोरमायथाय मेलव रंसारि बर्मननि जिउमानि अरय गोजेनानै 2007 माइथायव प्लेनि फोरमायथि सिरि थानानै आर'ज गाबहस्तायजों लोगोसे दुखुथिया नख'र'निसिम गोथे दुखु मोन्नाय फोरमायहरो। मेलव बिथोनगिरि मावख'नि बिबानगिरि-मावफारियाफोरा बर्मनआ बिफाननिसिम होलानाय बिहोमाफोरनि सोमोन्दे फोरमायथियो। □

(□ 1 बिलाइनिफ्राय)

बिटिआर गोरोबथानि 6.3 दफाखौ मावफुडाब्ला बिटिआराव गोखों सोमावसारनो दुलाराय बि टि सि....

बिटिआर हालामनि सरकारि नडे फरायसालिफोरखौ सरकार खालामनाय जागोन होना गोरोबथायाव दं। नाथाय दासिमबो सुफुं जायाखै। जाइनि जाहोनाव आसाम सरकारा फरायसालिफोरखौ सरकारि खालामो होना थांखि लानायाव सरकारि नडे फोरोंगिरिफोरा दुखु फोरमायना सरकारि खालामनो दाबि दैखां हरोदों। दासिम 3 बोसोर आगानाव बिटिआर गोरोबथाया, नाथाय गोरोबथानि दफा मावफुंन्यायखौ नुनो मोनाखै। जायनि जाहोनाव बिटिआरनि 6.3 दफानि सायाव सरकारि नडे फोरोंगिरिफोरा आलाइ-सिलाइ जाना फरायसाफोरनो बेथन गैयाब्लाबो 30-35 बोसोरसिम फोरोंथाय होगासिनो। बिटिआरनि 6.3 दफाखौ सुफुंनो थाखाय माहारियारि आफाद गोरोबथानि सागानगिरि एबसु आरो बर' थुनलाइ आफादजों सेबानि मासिगिरि आरसि जैन मोनसे रिभिउ कमिटि दाना दानथामनि उनावो फरायसालिमानिफ्राय गुदि फरायसालिसिम सरकारि गनायथि होनाय जागोन होना थांखि लादोंमोन। नाथाय थांखिया थांखियैनो थाबाय। बे सरकारनि लाजिनांथाव मोनसे थांखि। आसाम सरकारनि सोल्लोथाय बिफाननि मन्थ्रिआ आसामाव जखानिखुइ बांसिन फरायसालि थानायथाय सरकारि नडे फरायसालिखौ सरकारि गनायथि होनो हाया होना फोसावो। बे फोसावनायखौ लाना बिटिआरनि सरकारि नडे फोरोंगिरि हान्जाया बिटिआर गोरोबथाखौ बेसेन गोथे खालामदों होना बुडो। थाबैनो बिटिआर गोरोबथाखौ सुफुंनो दाबि दैखां बिटिआरनि 6.3 दफाखौ मावफुंनो खावलायो। दाबि सुफुंनो गोखों सोमावसारनायनि हुमखि होयो बिटिआरनि सरकारि नडे फोरोंगिरि हान्जाया। □

एपिएएससि आन्जादआव बाहागो लानो नागिरनाय फरायसाफोरनि थाखाय मोजां खौरां

आगस्टआव फोसावनाय जागोन। आन्जादआव टप जायगा मोन्नाय सा 5 फरायसाफोरखौ 15 आगस्टआव तामुलपुर गोजौसिन गेजेर फरायसालिनि गेलेग्रा फोथारआव जिल्ला बिथायाव खुंफुंन्यानो गोनां उदांसि साननि हाबाफारिआव सिनायथि होनाय जागोन होनानैबो एमएलए जलेन दैमारिआ खौरंगिरि जथुमनि गेजेरजों फोरमायथिदों। मख'नो गोनांदि, बिसोर सा 5 फरायसाफोरखौ एमएलएनि सामलायनायाव गुवाहाटीसिम आबुडै बेसेन नाडै कचिं खालामनो दैथायहरनायनि रहा लागोन एमएलए दैमारिआ। खौरंगिरि जथुमआव जलेन दैमारिआ बुडोदि, बोसोरफोमबो जेराव तामुलपुरनिफ्राय सासेयैब्लाबो खुंथायारि बिबानगिरि दिहुनो हायो बेनि थाखाय बे हाबाफारिखौ आखाइयाव लानाय जादों। तामुलपुर जिल्लानि फरायसाफोर आरो बिमा-बिफाफोरखौ बे हाबाफारिनि फासै अन्सायनो खावलायनानै एमएलए दैमारिआ बुंवावोदि, तामुलपुरनि फरायसाफोरखौ सोल्लोथायारि बिथिखव सिगालोहोनायनि गुबुन मोनसे थांखि महरे बे खामानियाव सिगांदों। तामुलपुरनि माखासे फरायसा आफादफोरबो जेराव गावयारिये बे रहानि फोसावनाय आरो फोसावदिनायनि थाखाय खामानि मावो बेनि थाखायबो बिथाइ फरायसा आफादनि दैदेनगिरि-मावफारियाफोरखौ खावलायदों। बिथाइ बुंदोदि, तामुलपुरनि फोरोंगिरि आरो सान्थोगिरि थाखोआबो बे रहानि फासै हेफाजाब होनांगोन। जाहाथे तामुलपुरआव सोल्लोथायनि मोनसे जांखिखानाय लाबोनो हायो। खौरंगिरि जथुमखौ बान्जायनानै एमएलएआ बुडोदि, बे फोरोंथायखौ आबुडै बेसेननाडे होनाय जागोन। बे बिथिखव आं गासैबो सुबुंन होगोन। बेनि सायाव जेबो सानो गोनां जानाय नड। मख'नो गोनांदि, दिनेसिम खौरंगिरि जथुमआव बाहागो लानानै रन्जन बरुवाआ बुंदोदि, गाबोनिफ्राय आर'ज खालामनायनि हाबाफारिआ जागायगोन। गोसो गुदु फरायसाफोरा अनलाइनि गेजेरजों आर'ज खालामनो हागोन। बे आन्जादआव सौंथिफोरा गासै 250 नम्बरनि जागोन होनानैबो फोरमायथिदों। गोसो गुदु फरायसाफोरा 8638056952 नम्बरआव जगाजग खालामनो हागोन होनानैबो सुलुडव फोरमायदों। □

कक्राझारनि सा 5 जुड' गेलेगिरिफोरा आसाम युट अलिम्पिक-2022 आव मेडल देरहानो हादों

जुड' गेलगिरिफोरनि हान्जाया सोलिबाय थानाय आसाम इयुट अलिम्पिकआव बाहागो लाहैदोंमोन। बे अलिम्पिकआव सा 8 बाहागो लागिगिरिफोरनि गेजेरव सा 5 गेलेगिरिफोरा मोनसे सना आरो मोन ब्रे ब्रन्ज मेडल देरहानो हाबोदों। बे बादायलायनायाव जयदेब नाथआ सनानि मेडलखौ आवग्रिनो हादों। बनि अनगायैबो जॉसार बसुमतारी (66 कि:ग्रा), बिरदाव बसुमतारी (50 कि:ग्रा), सानसुला नाजॉरि (55 कि:ग्रा) आरो बिसिनारा रय (48 कि:ग्रा) मोनहा ब्रन्जनि मेडल देरहानो हादों। आसामआव गिबि खेबनि थाखाय खुंजानाय इयुट अलिम्पिक-2022 आव बाहागो लाहैनानै मोन बा मेडल देरहा बोनो हानायाव कच सन्दन नाथआ गोजोन्नाय फोरमायदों आरो फेबाय थानाय समाव साबसिन गेलेनायनि गेजेरजों माहारियारि आरो मुलुगनां थाखोनि बादायलायनायफोराव मेडल देरहानो हागोनखौ मिजिंथिनाय फोरमायदों। औरैहाय मेडल देरहानो हानाय गेलेगिरिफोराबो गावसोरनि नाजानायनि फिथाइ महरे आसामनि अलिम्पिकआव मेडल देरहानायखौ गोजोन्नाय फोरमायनायजों लोगोसे जुड' गेलेनायनि मोजां खाबु गैथैखौ दुखु फोरमायदों। लोगोसे इयुनआव साबसिन जुड' गेलेनो थाखाय मोजां रहा जगायनानै होनो थाखाय खावलायो। □

टाइगर श्रफनि सावधुनआव साअथनि बायदि एक्सनखौ नुनो हागौ

टाइगर श्रफनि रिलिज जानो गोनां सावधुन 'स्कू दीला' नि टिजार भिडियखौ रिलिज खालामनाय जाबाय। आरोबाव खनसे टाइगर श्रफआ गावनि दोहौ गोनां एक्सनजों सुबुंफोरखौ जावलिआ खालामनो थियारि जादों। करण जहरआ बावैसो समाव बे सावधुननि एनाउन्समेन्टनि सिगां फेन्सफोरनो मोनसे पस्ट खालामनानै गोबां दोहौ गोनां जागोन होना फोरमायदोंमोन। स्कू दीला'नि टिजारआ करण जहरनि बाअ्राखौ आबुडै



फोरमान खालामदों। टाइगर श्रफखौ सावधुननि टिजारआव सासे ओरैबायदि हीवानि फावआव दिन्थिदों, जायखौ सुधुरफोर जोवथेनानै दोन्दों।

टाइगर श्रफ सुधुरफोरखौ गोबां समसिम बुं बाय थायो जेब्लामसिम बियो सासे आइजोनि नुनायखौ नुनो मोना

कार्तिक आर्यानिआ करण जौहरनि स्वआव इसारा होदों

बलिउड फावखुंगुर कार्तिक आर्यानिआ बुंदोंदि, गाव रेपिट फायर स्वफोरव गोबां मुंदांखा आरो गाव गावनि बे मुंदांखा जानायाव गोजोन्नाय मोनो। फेन्सफोरनि बायदिब्ला कार्तिक आर्यानिइसाराया करण जौहरनि सेट स्व कपि उडट करणनि फारसे जादों। मख'नो गोनांदि, करण जौहरनि सेट स्व कपि उडट करणनि 7 थि सिजनआव कार्तिक आर्यानिनि सोमोन्दै गोबां खेब मख'नाय जाखांबाय। स्वनि जागायजेनाय मोन्थाय एपिसदआवबो गोबां खेब कार्तिक आर्यानिखौ मख'नाय जादों। कपि उडट करणआव हस्ट करण जौहरआ सावधुन इन्डस्ट्रीनि स्टारफोरजों लोगोसे बिसोरनि पार्सेल आरो प्रफेसनेल लाइफखौ लानानै बाअ्रा सावरायो आरो रेपिट फायरआ बे स्वनि बयनिखुडै मोजां मोनजानाय बाहागोफोरनि गेजेराव मोनसे। गिबि एपिसदआव रणबिर सिं आरो आलिखा भाट्टआ आलासि महरै स्वआव फेदों आरो नैथि एपिसदआव सार आलिखान आरो जाहन्वी कापुरखौ नुनो मोन्दों। कार्तिक आर्यानि आरो सारा आलिखाननि मोजां मोनलायनयनि सोमोन्दै गोबां बाअ्रा सावरायनाय जादोंमोन। बे समावनो जेब्ला करण जौहरआ स्वआव सारनि लाभ लाइफखौ लानानै सौंथि सोडो अब्ला कार्तिक आर्यानिनि फारसे बाअ्राया सिखांदोंमोन। करण जौहरआ



सार आलिखाननियान नौंथानि एक्सआ मानो एक्स होना सौंथि सोंदोंमोन। बेनि सायाव साराया फिन्नाय होनानै बुंदोंमोन। मानोना बियो साफ्रोमबोनि एक्स। बे एपिसदआववो करण जौहरआ उदाडै बेखौबो बुंदोंदि, कार्तिक आर्यानिआ सारा आलिखानखौ डेट खालामदोंमोन। फारसेथि रणबिर सिं आरो आलिखा भाट्ट थानाय एपिसदआव रणबिरआ कार्तिक आर्यानि बायदि थाबायनानै आरो एक्टिं खालामनानै

जे आइजोआ बिखौ मदतनि थाखाय गाबत्रहरो। बेनि उनाव बियो सुधुरफोरखौ बांसिनै बुडो। आथिखालाव सावधुननि ट्रेलार आरो रिलिजखौ नेनांगोन आरो सावधुनखौ नायगिरिफोर मा रिस्पन्स होयो बेखौबो उनावसो मोन्थिनो हागोन। फारसेथि टिजार भिडियखौ नुनानै फेन्सफोरखौ ब्रेजि जानायबो नुनो मोन्दों। बांसिन सुबुंफोर बे सावधुनखौ दोहौ गोनां होना बुंदों। सावधुननि टिजारभिडियआ माखासे मिनिटनि गेजेराववो भाइरेल जाखंबाय। आरो कमेन्ट बक्सआव सुबुंफोर गोबां बाख्नायदों। मेकासआ नायगिरिफोरनि मोजां मोननायखौ नोजोर होदों। स्कूल दिला'नि टिजारखौ नुनानै रोखायै बुंनो हायोदि, टाइगर श्रफनि बे सावधुनआव साउथ सावधुननि बायदि एक्सन आरो ड्रमाखौ नुनो हागौ। सावधुनयाव टाइगर श्रफखौ गोबां रागा जोंग्रा लाइमोननि आबुआव दिन्थिदों जाय डीसेन्ट थायो नाथाय जेब्ला बियो रागा जोंखाडो अब्ला रवखौबो नागाय। □

दिन्थिदोंमोन। आथिखालाव कार्तिक आर्यानिनियान जेब्ला मोनसे टप स्वआव नौंथाडा माबायदि थासारिखौ मोजां मोनो होना सौंथि सोडो अब्ला बियो बुडो। गाव रेपिट फायर स्वफोरव गोबां मुंदांखा जायखौ गाव मोजां मोनो। सासे फेनआ कमेन्ट खालामदों बे सौंथिखौ नौंथाडा करण जौहरनावबो सौंनांगो। गुबुन सासे फेनआ लिखायदों, बिनि इसाराया रणबिर सिंनि फारसे ना सारा आलिखाननि फारसे ? □

गुबुन हादतआवबो शाहरुख खानखौ मिबथियो, अनुशुकाआ गावनि एक्सपिरियेन्सखौ शेयार खालामदों



सुपार स्टार शाहरुख खाननि मुंदांखा जानाया फुर भारतनाडे जादों नाथाय गुबुन हादतआवबो बिनि मुंदांखा जानाया गोबां जादों। माखासे खेब ओरैबायदि जाथायफोरखौ खोनानो मोनो, जेराव बबेबा हादतआव बेवहायनि नोगोरारिया सोरबा भारतीयनि मदतखौ बेनिखायनो खालामो मानोना बियो शाहरुख खाननि फेन जायो। शाहरुख खाननि हास्थायगिरिफोर हिन्दुस्तानआव गोबां दड नाथाय बेजों लोगोसेनो गुबुन हादतफोरवबो सुबुंफोर बेनि फाव खालामनयनि सायाव जावलिआ जायो। बेनि सोमोन्दै बावैसो समाव फावखुंग्रि अनुशुका सेनआ गावनि मोन्दांथिखौ शेयार खालामदों। अनुशुका सेनआ गावनि डेब्यु करियान सावधुननि सुटिनि समाव थानाय माखासे साननिफ्राय साउट करियाआव दहैयोमोन। बियो फोरमायदों, बेवहायनि सुबुंफोर भारतीय सावधुननि सोमोन्दै गोबां खम मिबथियो। मोनसे इन्टरभिडआव अनुशुका सेनआ फोरमायदोंदि, माखासे सुबुंफोर ओरैबायदि दड जायफोर गोजाम सावधुनफोरनि सोमोन्दै मिबथियो। मख'नो गोनांदि, अनुशुका सेनखौ करियान वेब सिरिज आरो मोनसे सावधुनानु नुनो मोनसिगोन। बियो बावैसो समाव मोनसे क्रियेटिभ एजेन्सिजों लोगोसे पार्टनरसिपबो खालामदों। मोनसे बाअ्रा सावरायनायनायाव अनुशुका सेनआ फोरमायदोंदि, करियाननि सुबुंफोर गोबां आलादा आलादा कन्टेन्टफोरखौ नायो। बिसोरो माखासे हिन्दी सावधुनफोरखौ नायदों। खाफाल गात्रिदि, बिसोरो जौनि आसार-खान्थिनि सोमोन्दै गोबां खम मिबथियो आरो बे जाहोननि थाखायनो गाव करियाआव जाय जथुम्माआव थाडोमोन बेवहायनो गावनि कास्तरनि सोमोन्दै फोरमायनो गोनां जादोंमोन। अनुशुका सेनआ फोरमायबावदों, बेवहाय माखासे सुबुंफोर शाहरुख खाननि सोमोन्दै मिबथियो। करियाआव बिखौ बिनि माखासे गोजाम सावधुनफोरनि सोमोन्दै मिबथियो। बेवहाय भारतीय जाग्रा आदारखौ लानानै गोबां एक्साइटेड आरो बिसोरो गावखौ आबुडै सारफ्राइस होदों। बेजों लोगोसेनो माखासे करियान रैचिफफोरखौबो भारतीय मस्टाफोर आरो मैगंजों बानायो। □

गाहाम देहानि राहा

देहानि लिस्थायखौ कन्ट्रल खालामनो थाखाय पुदिनाखौ बायदि रोखोमै जानो हायो

आथिखालाव बांसिनै सुबुंफोरनि देहानि लिस्थाय बांनया जेना गोनां जासिनलादों। गोनांथि जानायनिफ्राय बांसिन देहानि लिस्थाय बांनया नौंथानि पार्सेनेलिटिखौ गात्रि खालामनयजों लोगोसेनो गोबां बेरामफोरनि मैहुरबो बानायनो हायो। बे जेनानिफ्राय रेखाथि होनायाव पुदिनाया मदत होनो हायो। पुदिनायाव आयरन, पेटिसियाम, मैग्नीज, भिटांमिन ए, भिटांमिन सि आरो वि, कमप्लेक्स, प्रटिन बायदि गुनफोरखौ मोन्नाय जायो, जाय देहानि लिस्थायखौ बाडाइ खालामनयजों लोगोसे देहाखौ बायदि रोखोमै मुलाम्फा होनायाव मदत होयो।



बानायनो थाखाय पुदिनानि बिलाइ, आफेल, डालिम आरो लेबुखौ लोगोसेयै होनानै बेनि जुसखौ थियारि खालामनंगो। बेनि उनाव बे जुसखौ सरनानै बेखौ लौं नांगो। बे बायदि खालामोब्ला देहानि गात्रि मुवाफोरजों लोगोसे आलादा देहानि लेस्थाय बांनयावबो मदत मोनो।

मदतजों जुसखौ थियारि खालामना लौं नांगो।

(3) गरम बोथोरव गायखेर दाखा एबा गायखेर दाखाजों बानायनाय मुवाखौ जायोब्ला देहानि थाखाय गोबां गुन गोनां मानिनाय जायो। गाइखेर दाखायाव मोन्नाय गुनआ उदेयाव गुसु होनानै गरम जानायनि गोहोमखौ बाडाइ खालामनयाव मदत होयो। लोगोसे रात्निबो बानायनो हायो।

(4) बेखौ बाहाइनायनि सिगां डाक्टरनियान सुबुरुन ला)। □

(1) पुदिना बिलाइनि मदतजों नौंथाडा पुदिना डिस्पस वाटर दैखौ थियारि खालामनो हायो। बे दैया देहानि गात्रि मुवा-बेसादखौ बाइजोआव दिहुनायाव मदत होयो। बेखौ

(2) पुदिनानि लिबुजों लागानाय दैखौ लोडोब्ला गरमआव देहाया गुसु मोन्नायजों लोगोसे देहानि लेस्थायबो बाडाइ जायो। बेनि थाखाय पुदिनानि गोथां बिलाइ, लिबु आरो गोसोम संखिनि

मिरामिस जाग्रा सुबुंफोर प्रटिननि बाडाइ जानायखौ जानगा खालामनो थाखाय माखासे मुवा-बेसादखौ जानो हागोन



जेब्लानो प्रटिननि बाडाइ जानायनि बाअ्राखौ सावययो अब्लानो सुबुंफोर गावजों गाव दाव बेदर दावदै जानो सुबुरुन होलायलायो। बे बाअ्राया नंगुबेदि बेदरआव प्रटिननि बिबांखौ गोबां थायो। नाथाय मिरामिस जाग्रा आदार जानायजों प्रटिननि बाडाइ जानायखौ जानगा खालामनो हाया बेबो नडा। प्रटिनआ जौनि देहानो इनाजि होनायनि खामानि मावो। जों सानफ्रोमबोनि जाग्रा आदारव प्रटिननि गोनांथि जायो। जाहाथे जों गाहाम देहायै थानो हायो।

गोनांथि जायो। सरासन्हा महरै सासे हौवानो गासै 56 ग्राम प्रटिन आरो आइजोनों गासै 46 ग्राम प्रटिननि गोनांथि जायो। नाथाय जुदि नौंथाडा प्रेनेन्ट, गथ'नि बिमा एबा गेलेगिरिब्ला नौंथानो प्रटिननि गोनांथिया बांसिन जायो।

(2) दालिया नौंथानि डाइटआव प्रटिननि गोनांथिखौ आबुं खालामनयाव मुलाम्फा गोनां। प्रटिननि बाडाइ जानायखौ आबुं खालामनो थाखाय नौंथाडा दालिखौ संनानै जानो हायो। आदा काप मोननाय दालियाव 12 ग्राम प्रटिनखौ मोन्नो हायो।

(3) पानिरआ भेजिटेरियान सुबुंफोरनि थाखाय प्रटिननि मोजां गुन गोनां। पानिरखौ नौंथाडा स्नेक्सनि महरैबो जानो हायो।

(3) आदा काप अटसआव 6 ग्राम प्रटिन आरो 4 ग्राम फाइबर थायो। बेवहाय मेग्नीसियाम, जिंक फसफरस आरो फलेटखौ थायो। बेवहाय हाइक्वालिटी प्रटिन थायो।

(4) किनुआया प्रटिननि थोजासे मोननो हानायफोरनि गेजेराव मोनसे। जेराव 9 था एसेन्सियल अमिन एसिडफोर थायो। अमिय एसिडखौ देहानि बडिखौ देरहोनाय आरो इमिउन एक्टिभिटीखौ मदत होनायनि थाखाय गोनांथार मानिनाय जायो। बेखौ सालाद, भेजिटेबल बागरि बायदियाव बेखौ लागानयनानै जानो हायो।

(5) चिया गेगरनि आदा कापआव गासै 6 ग्राम प्रटिन आरो 13 ग्राम फाइबरआ थायो। बेयो आयरन, के लिसियाम, से ले नियाम आरो मेनिनिसियामजों बुंफबनाय जायो बेनि अनगायै बेवहाय फे टि एसिड आरो एन्टि अक्सीडेन्टखौबो मोननो हायो। □

रजनीकान्तनो इन्काम टेक्स डिपार्टमेन्टआ मान होदों



फावखुंगुर रजनीकान्तनो इन्काम टेक्स डिपार्टमेन्टआ चेन्नायाव मान होदों। बे मानखौ बिनि 1 थि समाव टेक्स होनायनि थाखाय होदों। रजनीकान्तनि फिसाजो एश्वर्याआ इन्स्टाग्रामआव बे खौरांखौ सेयार खालामदों। बिनि सायाव फेन्सफोर बायदि रोखोमैनि रिफेक्सन होदों। रबिबार 24 जुलाईआव इन्काम टेक्स सानमोन। बे खाबुआव जानाय हाबाफारियाव रजनीकान्तनि फिसाजो एश्वर्याआ बिनि फारसै जानानै एवाड लाइनो सौंहेदों। रजनीकान्तनि फेन्सफोर बे पस्टआव गोजोन्नाय फोरमायदों आरो बिनि सायाव गौरवखौ मोन्दाडो होना कमेन्ट लिखरहदों। एश्वर्याआ लिखरदों आरोबाव बांसिन समनि गेजेराव टेक्स हस्पानि फिसाजो जानानै गौरवखौ मोन्दादों। आनि बिफानो मान होनायनि थाखाय तामिलनाडु आरो पुडुचेरि इन्काम टेक्स डिपार्टमेन्टनो साबायखर'र। एश्वर्याआ पस्टजों लोगोसेयै सावगागिरिफोरखौबो सेयार खालामदों। एश्वर्यानि पस्टनि उनाव बिनि फेन्सफोर कमेन्ट सेक्सनआव रजनीकान्तनो गाहाम हामलायथि जासिदों। सासे पेनआ लिखरदों थलाइबारनि फेन जानानै गौरवखौ हमदादों। गुबुन सासेआ लिखरदों गाहाम हामलायथि जासिहरबाय थलाइबार रजनीकान्त सार, थारैनो नौंथाडा बिबान गोनां नोगोरारि। फारसैथि बेवहाय नेगेटिभ कमेन्टबो दड। सासे सुबुंआ लिखरदों स्टारफोरखौ मान होयो, जेराव जौबो अरायसम बिबायदिनो खालामो। गुबुनआ लिखरबो गोनांथि गैयामोन, बेयो लाजिनांथाव बाअ्रा। रिपर्टनि बायदिब्ला, रजनीकान्तआ सावधुन मेकार मेलसन दिलीप कुमारजों सावधुन जेलारआव फाव खालामगोन। सावधुनआव कन्नर फावखुंगुर, शिवराज कुमारआ गाहाय फाव खालामगोन। बेनि सुटिआ थाबेनो जागायगोन। खौराडव बेबोदि बे सावधुननि थाखाय एश्वर्या राय बचनखौ गाहाय फावआव लानायनि बाअ्राया सोलिगासिनो दड। □

मिका डि भती स्वआव मिका सिंआ आकांक्षा पुरिखौ सायख'दों



टिभि रिप्रेलिटि स्व स्यामभर मिका डि भतीनि 2 दानसिम सोलिनायनि उनाव दंखोगिरि मिका सिंआ आकांक्षा पुरिखौ गावनि सिमिआनि राजकुमारि महरै सायख'बाय। मिका सिंआ दंखोजों गोथौ सोमोन्दो दं आरो फाइनाल राउन्डआव आकांक्षा पुरिया प्रान्तिक। दास आरो नित महलखौ फेजेनानै मिकानि गोसोआव जर'खा जायगा बानायनो हाबाय। मिका सिंआ बे साथामबो आइजोफोरखौ मोजांबो मोन्नो हमबायमोन

स्वआव देहानयाव गोबां खुसि जादों। नाथाय गुबुन सानै बादायारिफोरनि जेन्नायाव बियो दुखुबो मोन्दों। मोनसे रिपर्टआव फोरमायनाय बायदिब्ला, मिका सिंआ जौसांआव आकांक्षाजों जुलि जायाखै। नाथाय बियो बिनि गोदोनयाव माला सोनानै बिनो गावनि जोवथा सायख'नाय होना बुंदोंमोन। रिपर्टनि बायदिब्ला, मिकाया गासैबो आसार-खाथिफोरजों जुलि जानायनि सिगां कमेरानि आन्दोआव आकांक्षाजों लोगोसे क्वालिटी टाइम्सखौ हगारहर्नो हास्थायदों। मिका सिंआ आकांक्षा पुरिनि नख'रनि सुबुंफोरजों लोगो हमदों आरो बिसोरनिफ्राय आशिर्वाद लादों। मख'नो गोनांदि, मिका सिंआ आरो आकांक्षा थानाय 13-14 बोसोरनिफ्राय लोति जाबोदों आरो फावखुंग्रिया वाइल्ड कार्ड बादायारि महरै स्वआव फेदोंमोन। □

प्रकृति मिश्राआ गावनि भाइरेल जानाय भिडिअनि उनाव मोनसे पस्ट शेयार खालामदों

भुवनेश्वरनि लामायाव फावखुंग्रि प्रकृति मिश्राजों बुलाय-सोलाय जानायनि भिडिअआ भाइरेल जानायनि उनाव आथिखालाव बे फुर जाथयनि सायाव फावखुंग्रिनि बिबुंथिया सोरख फेदों। फावखुंग्रि प्रकृति मिश्राआ रबिबाराव सशेल मिडियाआव लिखरदों, गासैबो सल'आव मोनै बाहागो थायो। खाफाल गात्रिदि, जों ओरैबायदि समाजआव थायो जेराव आइजोफोरनि बाअ्राखौ खोनासड



लासेनो बिसोरनियान दाय जाबसिन्नो जागायो। प्रकृति मिश्राआ लिखावदों, गाव आरो गावनि क-स्टार बाबुसान उक्कलआ एससियेसननि गेजेरजों खुंजानाय मोनसे प्रग्रामआव बाहागो लानो थाखाय चेन्नायाव

थादोंमोन। बे समाव बाबुसाननि बिसिआ माखासे गुन्दाफोरजों लोगो जानानै बिखौ बुनो जागायदों आरो गावखौ देहायारि गाग्लोबदों। मख'नो गोनांदि, भाइरेल जानाय भिडिअआव सासे आइजोखौ प्रकृति नि सायाव

गोगोथाव जानाय जाथयफोर बांसिन जानाया सरासनस्त्रा। प्रकृतिआ लिखावदों आं हमादोंदि, आनि हाबाफारिया दासिमआव फुर जायाखै आरो आनि आइजो गोहोनि थाखाय थांखिखौ मोन्नो थाखाय दासिमबो माखासे हाबाफारिखौ मावबावनांगो दं। बिनि बे पस्टनि सायाव माखासे सुबुंफोर बिखौ टूल खालामदों आरो गुबुननि फिसाइखौ सेनानै लाग्रा होहोनि सायाव खामानि मावनाय,

गोगोथाव जानाय जाथयफोर बांसिन जानाया सरासनस्त्रा। प्रकृतिआ लिखावदों आं हमादोंदि, आनि हाबाफारिया दासिमआव फुर जायाखै आरो आनि आइजो गोहोनि थाखाय थांखिखौ मोन्नो थाखाय दासिमबो माखासे हाबाफारिखौ मावबावनांगो दं। बिनि बे पस्टनि सायाव माखासे सुबुंफोर बिखौ टूल खालामदों आरो गुबुननि फिसाइखौ सेनानै लाग्रा होहोनि सायाव खामानि मावनाय,

रणबिर सिंनि उनाव आथिखालाव जेनिफार लफेजआ निउ पट'सुट खालामदों

बलिउड फावखुंगुर रणबिर सिंनि निउड पट'सुटआ आथिखालाव गोबां खौराडव थादों। फेन्सफोर बेनि बे बल्थ आखुखौ बाख्नायोब्ला गुबुन फारसेथि ट्रेलारफोर बेनि सायाव गोबां मिम्स बानायदों। रणबिर सिंनि निउड सावगागिरिफोरनि सायाव दावराव-दावसिया सिखांनयनि गेजेरावनो आरोबाव सासे फावखुंग्रिनि निउड सावगागिरिफोर सशेल मिडियाआव साग्लोबसारदों। दंखोगिरि-फावखुंग्रि जेनिफार लफेजआ गावनि जोनोम सानाव फेन्सफोरनो निउड सावगागिरिखौ सेबखांजानानै अन्थोब होदों। बलिउड सुपार स्टार जेनिफार लफेजआ रबिबाराखालि गावनि 53 थि जोनोम सानखौ फालिदों। बे सानावनो बियो इन्स्टाग्रामआव गावनि उदाडै निउड सावगागिरिफोरखौ शेयार खालामदों। जेनिफारआ गावनि इन्स्टाग्राम स्टार आरो मोनसे



भिडिअनि थाबनेलआव गावनि निउड सावगागिरिफोरखौ होदों। आथिखालाव भिडिअआव सेबखांनय बिनि गोसोम गावनि मनकेनियाव गावखौनो अन्नाय होनाय नुनो मोन्दों। रणबिर सिंनि सावगागिरिफोरखौ रुजुनानै जेनिफार लफेजनि सावगागिरिफोरव फेन्सफोर गोबां बाख्नायदों आरो माखासे इउजारफोरा बेखौ टूलबो खालामदों। सासे इउजारआ बे भिडिअआव कमेन्ट खालामदों, पापेकसन। फारसेथि गुबुन सासेबाव इउजारआ लिखरदों, थारैनो नौंथाडा 53 बोसोर

बेसोनि जाबाय ना? मख'नो गोनांदि, जेएलआ केयारआ जेनिफार लफेजनि विसन केयार ब्रेन्ड आरो बियो बे भिडिअखौ गावनि ब्रेन्ड आरो प्रजेक्टखौ प्रमशन खालामनो थाखाय होदोंमोन। मख'जाथावदि, जेनिफार लफेजनि बे भिडिअखौ रणबिर सिंनि सावगागिरिफोरा सोराडाव फैनयनि 4 साननि उनाव नुनो मोन्दों। रणबिर सिंआ पेपार मेगजिननि थाखाय निउ पट'सुट खालामजादोंमोन, जाय सावगागिरिफोरा इन्टारनेटआव साग्लोबसारदोंमोन। □

गुबुन हादतआव दावबायहैयै दिल्लीनि सासे सुबुंनाव मांकि पक्स इन्फेक्सन जादों

गोदान दिल्ली, 25 जुलाई: मुलुगनाडै मांकि पक्स इन्फेक्सनआ गिखंथावै गोसारबोनो हमदों। मुलुगनि दर 75 हादतफोरव गोसारनाय बे भाइरासनि 16 रोजानिबो बांसिन पजिटिभ केस मोनाय जाबाय। रबिबारखालि राजथावनि दिल्लीयावबो गिबिथै मांकि पक्सनि केस मोनो। दिल्लीनि सासे सुबुंनखौं आन्जाद नायनायाव मांकि पक्स सन्देसनायखौं मिबथिनो मोन्नानै दिल्लीनि एलएनजेपि देहा फाहामसालियाव थिसननाय जायो। अदेबानि बिथाड गुबुन हादतआव दावबायनायनै फेनायबो नडामोन। बेनिखायनो बयबो बिथानि मांकि पक्स पजिटिभ जानायाव सोमोनादों। दिल्लीयाव मांकि पक्सनि मोनसे केसखौं मोन्नानयि उनाव डाक्टरफोर बयखौबो सांग्रडै थानो फिन खेबसेबाव खाललायो आरो गिनांगो गैया होन्नाबो बुडो। नाथाय बेनि



थाखाय सांग्रथि लाखिनाया गोनांथार। दिल्लीनि मांकि पक्स सन्देसनाय सुबुड गुबुन हादतआव दावबायहैयाखैमोन नाथाय बावैसो सिगाडाव हिमाचल प्रदेशआव थानानै मोनसे पाटिआव बाहागो लाहेंदोंमोन। बेयावनो इन्फेक्सनआ सन्देसबोदों होन्ना सन्देह' खालामनाय जादों। फर्टिस मेम'रियेल रिचार्ज इन्सटिटुटआव इन्टारनेल मेडिसिननि डू श्री बालाजीनि बायदिब्ला, मांकि पक्सखौं लानानै जों गाब्रायनो नाड। बेनिफ्राय सांग्रथि थानाय आरो सन्देरोब्ला माबोरै मोजाडाव

देहा फाहामसालियाव थिसनजाना फाहामथाइ लानाय आरो आइसलेसन थानायजों इन्फेक्सननि गोसारनायखौं होबथानो हायो। बेखौ लानानै गिनांगो गैया होन्नाबो बिथाड बुडो। मिरु सावसि मावख'आ रबिबारआव मोनसे फिनाय फोसावनानै दिल्लीआव मांकि पक्सनि मोनसे केस मोन्नायखौं मिबथिहोयो। मावख'आ मिबथिहोनाय बायदिब्ला, बे सुबुड 34 बोसोर बैसोनि आरो बेखौ एलएनजेपि देहा फाहामसालियाव आइसलेसनआव दोन्नाय जाबाय। बेजों सोमोन्दोआव फेनाय सुबुंनफोरखौबो संदानानै आन्जाद नायनाया सोलिगासिनो दड। हुआ फोसावनाय बायदिब्ला मांकि पक्सआ मुलुगनि दर 75 हादतफोरव गोसारबाय आरो बेनि 16 रोजानि बांसिन पजिटिभ केस मोनबाय।

आमेरिकायाव डिएनए आन्जाद नायनाया सुबुंनफोरनि जेनाखौ बांहोदों

निउयर्क, 25 जुलाई: समजों लोगोसे बिगियान आरो गोबोखोआ गोबां जौगाखांबोबाय। सानफ्रोमबो गोदान गोदान आन्जाद नायनायनि खौराड सोराडाव फेयो, जायजों जौनि खामानिया गोरलैसिन जानानैबो फेयो। नाथाय बेफोरनि गेजेराव माखासे दिहुन्थाया जौनि थाखायनो ख'हा गोनां जानो हागौ। बेबायदि सोमोनांथाव खौरांआ आमेरिकानिफ्राय सोराडाव फेदों। बेयाव मिबथिनो मोन्नाय जादोंदि, मोनसे ओरैबायदि हाथियार एबा बायलजि वेपन एबा जिबआरि हाथियार दिहुन्नाय खामानिया सोलिगासिनो दड, जायजों डिएनएखौ बाहायनानै बै सुबुंनि जिउ खोमाना लानायनि जाहोन जानोबो हागौ। अदेबानि 23 एन्डमिआ गले गले गावनि




जेनस क्र'आ एस्पेन सिक्किडरिफि फरामंआव सावरायनाय समाव आमेरिकानफोनो सांग्रथि होनानै गाव गावनि डिएनएखौ प्राइभेट फार्माफोरव आन्जाद नायनाय समाव गोखों सांग्रथि लानांगोन होन्ना बुडो। फिसा गोरोन्थियावनो नोंथाड मोनसे बायलजि हाथियारखौ सोमजिहोने हागौ, जाय गावनि जिउ खोमाना लानायनि जाहोन जानोबो हागौ। अदेबानि 23 एन्डमिआ गले गले गावनि

खालामानानैबो फेदों। बेबायदियाव सुबुंनफोर गोसो गुदु जानानै गावनि डिएनएखौ शेयार खालामो एबा आन्जाद नायनो गुबुननि आखायाव हरो। बेनिखायनो बाय' वेपन बायनाया जागायो। सिनेट हासा सान्थि सिबिथाइ समिटिनि सोद्रोमा आरो आय'भानि आमेरिकान सिनेटर जनि एन्सार्टाआ दाब दैखोंदोंदि, आमेरिकाननि हेंथायै जाग्रा आदार जगायनायाव गिदिर हेंथा होनो एबा गाग्लोबनो थाखाय बेबायदि डिएनए बाय' वेपनखौ थिसन्नो हागौ। नोगोरारि, सान्थि एबा गामियारिफोरनि सायाव सोनारनाय जर'खा जुनातआ बाय' वेपननि थान्थि जानो हागौ होन्नाबो बिथाडा बुडो।

1 बोसोराव नै गुननिफ्राय बांसिन खामानि गैयै जानाय सुबुंनफोरा रेजिस्ट्रेसन खालामदों

गोदान दिल्ली, 25 जुलाई : हादतआव खामानि गैया जानाय सुबुंनफोरनि रेजिस्ट्रेसन खालामनाय जादों। रंखान्थि बोसोर 2020-21 नि गासै 28 लाखनि रुजुनायाव 2021-22 आव गासै 65 लाखनिफ्राय बांसिन खामानि गैयै जानाय सुबुंनफोर रेजिस्ट्रेसन खालामदों। बेनि अनगायै बे नंगुबैयाबो सोराडाव फेदोंदि, रंखान्थि बोसोर 2021-22 आव रंखान्थि बोसोर 2021-22 आव रास्ट्रीय केरियार सेवा यजना (एनसिएस) नि थाखाय बाजेटआव रानानै होनाय गासै रंखान्थिखौ खवसेबो खरसा खालामनो हायाखै। सरकारनि फासै बावैसो समाव लक सभायाव संनाय मोनसे सौंथिनि फिनायाव बे खौरांखौ होनाय जादों। रंखान्थि बोसोर 2022-21 आव खामानि हास्थानाय गासै 28.47 लाख सुबुंनफोरा एनसिएस पर्टनआव रेजिस्ट्रेसन



खालामदोंमोन। फासैथि 2021-22 आव खामानि हास्थायग्राफोरनि रेजिस्ट्रेसन खालामनाय अन्जमाया गासै 65.41 लाख जायो। बेवहाय 2021-22 आव खालामदों एनसिएस पर्टननि गेजेरजों सरकारनि थान्थिया हादतनि लाइमोनफोरनो खामानि होनायनि मोजां खाबु आरो केरियारखौ जौगाखांहोनायजों सोमोन्दो गोनां हेफाजाब होनायनि सुबिदा मोनहोनाय। बेनि थाखाय बाजेटयाव गथायनानै हरनाय गासिबो रंफोरखौ खरसा खालामनो हायाखै। रास्ट्रीय केरियार सेवा

परियजनानि थाखाय रंखान्थि बोसोर 2019-20 नि बाजेटखौ हमदाना लानाय बायदि बेयो गासै 50 कौटि रंमोन, नाथाय गासै 63.93 कौटि रंआ खरसा जादों, जेराव रंखान्थि बोसोर 2020-21 आव बाजेटखौ हमदाना लानाय बायदिब्ला, बेयो गासै 79.39 कौटि रंमोन आरो गासै 43.80 कौटि रंआव खरसा जादों। थानाय बोसोर एबा रंखान्थि बोसोर 2021-22 आव बाजेटखौ दावखलायहोनाय गासै 57 कौटि रं खालामदों आरो बेनि गेजेराव गासै 24.30 कौटि रंखोल' खरसा खालामो।

इउक्रेनआ रसियाजों गोखोडै जुजिगासिनो दड

क्विब, 25 जुलाई : रसियाजों दावहा सोलिबाय थानाय समावनो इउक्रेनआ मोनसे भिडिअ फोसावदों, जेराव रसियानि एनटि-एयार डिपेन्स एस-300 नि बेटारिखौ सिलिंखार खालामनो हादों होन्ना दाबि दैखानाय जादों। बे भिडिअखौ बयनिखुइबो गिबिसिनै इउक्रेन सान्थिनि अपारेसनेल कामान्ड साउट परमेसनआ गावनि मावख'आरि फेजबुक पेजआव शेयार खालामदों। भिडिअआव माखासे खामबाय थानाय बायखोन्दा थुखाफोरखौ नुनो मोन्दों। बे पस्टआव दाबि दैखानाय जादोंदि, बे खामबाय थानाय मुवाआ इउक्रेनआव थानानै रसियाआ गावहरनाय



एस-300 जाय आबहावायावनो फोजोबसोनो हाग्रा मिसाइलनि बेटारिमोन। पस्टआव बुंनाय जादोंदि, फायारि मिशननि गेजेरजों जौनि मिसाइल आरो गुलि गावग्रा आफादफोरा जेलेनत्रपिनस्केनि साखाथियाव

सगै लाभरभआ रबिबारखालि मिश्रनि बिबानगिरिफोरजों सावरायनो काहिराआव सौहैयो। इउक्रेनआव गाग्लोबनायनि जाहोनाव सोनाबारि हादतफोर होबथानायनिफ्राय रेहाय मोन्ना रसियाआ नाजगासिनो दड। रसियानि सरकारि टैलिभिसन नेटवर्क आरटिनि बायदिब्ला, मन्थि सर्गैइआ एटियपिया, युगान्डा आरो कांग' गनरज्योआवबो दावबायगोन। आरटिनि बायदिब्ला, मन्थि लाभरभआ रबिबारखालि काहिराआव सौहैनानै मिश्रनि हादतगिरि आब्ले पाताह अल-सिसि आरो बेनि उनाव मिश्रनि गुबुन हादतयारि मन्थि शुकारिजोंबो लोगो हमनानै सावरायो। बेनि उनाव आर'ब लिगनि गहाय नेहाथारि आहमेद आबुल गितजोंबो लोगो हमो।

एलएसिआव चीनआ फाइटर जेट बिरहोना भारतखौ थुनज्जलायनो नाजादों



गोदान दिल्ली, 25 जुलाई: भारतखौ थुनज्जलायनो थाखाय एलएसिनि साखाथियाव चीननि फाइटर जेटआ सामफ्रोमबो बिरगासिनो दं। बेबायदि

थासारियाव चीननि सोलो बाहायनायखौ बुजिनो हाग्रा, सांग्रां आरो गोहो गोर भारतीय अख्रामा सान्थिया ड्रेगननि खेसार सानायखौ बुजिनानै सुधुरजों

जुजिनो थाखाय गोखों रहा लादों। न'सुंसे हादतनि खेसार सानायजों जुजिनो थाखाय भारतीय अख्रामा सान्थिया गोखों फिनजाथाय होनो थाखाय

मिराज-200 आरो मिक-29 खौ थिसन्दों। आथिखालाव चीनआ भारतखौ थुनज्जलायनो थाखाय एलएसिआव फाइटर जेट बिरहोनासिनो थारदों। चीननि फाइटर जेटआ सान्जा लाहाखनि एलएसि साखाथियावनो सानफ्रोमबो उरायबाय थानायखौ नुनो मोन्दों। सुलुनि बायदिब्ला, बेफोर फाइटर जेटआ थानाय 4 सप्ताहनिफ्रायनो एलएसिनि जोबोद साखाथियाव बिरफैनाय भारतीय सान्थिनि थियारि खालामनायफोरखौ सुलु लादों। चीननि फाइटर जेटआ सिमनायाव बेबायदि बिरनानै हारिमायारि नेम-खान्थिखौ सिमफायगासिनो दं। फासैथि भारत सरकारनि सासे सुबुड मिबिथिहोदोंदि, चीनआ खेसार सानानै जे-11 जों लोगोसे चीननि फाइटर जेटआ एलएसिनि जोबोद साखाथियाव बिरखाय थारदों। चीननि बेबायदि जेटखौ बिरहोनाया ओन्सोर्लनि 10 किल'मियार कनफिडेन्स बिल्डिंमिजारलाइननि खान्थिखौ सिमफायदों। बेखौ नोजोर होनानै भारतनि अख्रामा सान्थियाबो गोखों थियारि खालामदों।

केरेलायाव अमा बुथारनाय हाबाफारिखौ जागायबाय



गोदान दिल्ली, 25 जुलाई: मुलुगनाडै फासैथि करनानि दोहो आरो गुबुन फासैथि मांकि पक्स इन्फेक्सन गोसारनाया फिन खनसेबाव मुलुगखौ जेनायाव खोखलैदों। गुबुन गुबुन हादतफोराव बाडाइ समनि गेजेरावनो गोसारनाय आफ्रिकान स्वाइन फ्लुआ भारतआवबो गोसारनो हमबाय। केरेलानि बायनाटआव बे इन्फेक्सनआ जेना गोनाडै गोसारगासिनो दड, जायखौ लानानै गासै हादतआवनो जिगानि जेमै साग्लोबबोनो हमदों। बायनाटआव खुंथाया गोसारनाय इन्फेक्सनखौ होबथानो माखासे गोनांथार थान्थि आजावदों। बे थान्थिफोरनि गेजेराव अमा बुथारनाय हाबाफारियाबो दंफायो, जाय रबिबारनिफ्राय जागायबाय। अदेबानि सरकार अमाफोरखौ बुथारनो थान्थि लानायनि हेंथायै माखासे

आबादारिफोरा गसंदों। मानन्तबाडीनि डिपुटि कालेक्टरआ बुंदोंदि, भपालआव थानाय माहारियारि गोजौ रैखाथि जुनात संदानग्रा आफादनिफ्राय मोन्नाय टेस्ट रिपर्टखौ दिन्थिनायाव आबादारिफोर अमा बुथारनाय हाबाफारियाव मदत होनो गनायथियो। मानन्तबाडीनि

गंसै फार्मआव मानै अमानि देहायाव आफ्रिकान स्वाइन फ्लुखौ मोन्दों। बे अमानि नमुनाखौ भपालनि आन्जादसालियाव दैथाइहरनाय जादोंमोन। डिपुटि कालेक्टरआ फोरमायबावोंदि, आन्जादसालियाव आन्जाद नायनानै मोन्नाय मोनसे नमुनाखौ जाय फार्मनिफ्राय लाबोनाय जादोंमोन बेयाव गासै मा 360 अमा दंमोन। बिथाड गामियारिफोरनो गाहामे बेखेवना फोसायोदंदि, अमानि बे बेरामआ ओन्सोर्लनि गुबुन फार्मआव जाहाथे गोसारा आरो नख'रव फिसिनाय अमाफोरनावबो जाहाथे गोसारा बेनि थाखायनो

माहारियारि नेम-खान्थि बायदिये अमाफोरखौ बुथारनाय जादों आरो बेनि उनाव गामियारिफोरा अमा बुथारनाय हाबाफारियाव हेफाजाब होनो गनायो। डिपुटि कालेक्टरआ अमा बुथारनाय आबादारिफोरनो अन्सुंथाइ होनायनि हाबाफारि मावनायखौबो गोखों खालामगोन होन्ना बुडो। फासैथि सासे फार्म बिगोमाया तिभि चेनेलआव बुंदोंदि, गावनि फार्मनि अमाया स्वाइन फ्लुजों इन्फेक्सन जानाय नडामोन। सरकार अमा बुथारनो थान्थि लानायखौ सान्नेसो नेथ'बावनाया गाहाम जागोन होन्नाबो बुडो।

मुलुगनि धोनिसिन एलन मास्क आरो गुगोलनि क-फाउन्डर ब्रिननि बिसिनि गेजेराव सोमोन्दो दं

गोदान दिल्ली, 25 जुलाई: मुलुगनि बयनिखुइबो धोनिसिन फालांगिरिफोरनि गेजेराव सासे एलन मास्कआ गावनि फालांगिनि अनगायैबो गावारि जिउनि थाखाय खौराडाव थायो। आथिखालाव मास्कनि सिक्केट एफेयारा सोराडाव फेदों। खौरांनि बायदिब्ला, एलन मास्कआ गुगोलनि क-फाउन्डर सर्गैइ

ब्रिननि बिसि निकल शनहानजों सोमोन्दो लाखिदों। मख'जाथावदि, माखासे दान सिगाडाव सर्गैइ ब्रिनआ बिसि निकल शनहानजों फाथेलाइ बिसिनो आर'जलाइ गथायदोंमोन। आथिखालाव मिबथिनो मोन्नाय रिपर्टनि बायदिब्ला, सर्गैइआ गावनि बिसि आरो एलन मास्कनि गेजेरनि



सोमोन्दोखौ मिबथिनानै बिसिजों फाथेलाइ बिसिनो थान्थि लादोंमोन। मख'जाथावदि, एलन मास्क

आरो सर्गैइ ब्रिनआ गोबाव समनिफ्रायनो लोगोमोन। 2018 आव ब्रिनआ रंखान्थि जेनायाव गोग्लेनाय समाव एलन मास्कनि एलेक्ट्रीक कार कम्पानि टेस्लाखौ बायनायनिफ्राय रैखा खालामदोंमोन। बिथामोननि लोगोआरि सोमोन्दोआ ओरैबायदि गोखोंमोनदि, मास्क आ सिलिकन

भेलियाव थानाय ब्रिननि न'आव थालाय-फे लाय खालामोमोन। बे समावनो मास्क आरो ब्रिननि बिसि निकननि गेजेराव सोमोन्दोआ खाथिसिन जायो। रिपर्टनि बायदिब्ला, मास्कआ आगुनि गार्लफ्रेन्ड ग्रिम्सजों ब्रेकआप जानायनि उनाव निकलजों एफेयारआ जागायो।

2000 माइथायनि उनाव भारतआ खेबथाम मेचनि सिरिजयाव रेकर्ड थिसनगोन

गोदान दिल्ली, 25 जुलाई: भारतीय क्रिकेट टीमआ वेस्ट इन्डिसनि हेथायै गेलेनाय वान्डे सिरिजनि 2 थि मेचयावबो देरहानो हादों। 2 थि मेच देरहानायजों खेबथाम मेचनि सिरिजयाव भारतआ आवगायना फेदों। सिरिजनि 3 थि आरो जोबथा मेचयावबो भारतीय टीमआ देरहानायखौ थिसनो नाजानायजों वेस्ट इन्डिसखौ गोरलैयैनो फेजेन्यायनि रेकर्ड लाखिनो नाजागोन। गोखों दिन्थिफुनो हानायजों भारतआ 2000 माइथायनि उनाव गिबि खेब वेस्ट इन्डिसनि हेथायै सिरिजयाव लाथिथयै देरहानायखौ लाखिदों। सिरिजनि 2 थि मेचयाव भारतीय टीमआ गोखों बादायनायजों मोगा-मोगि जानादों। वेस्ट इन्डिसनि केपेन निकलास पुनआ टसयाव देरहानायजों गिबियै बेटि



खालामनायनि थान्खि लादोंमोन आरो बिथानि दिन्थिफुनाया मेचयाव देरहानायनि दिग फारसे लाबोदोंमोन। वेस्ट इन्डिसआ बेटियाव गासै 50 अभाखव सा 6 उडकेट खोमानायजों 311 रन लादोंमोन। थामहिनबा भारतीय टीमखौ देरहानायनि थाखाय 312 गिदिदि देरहानायनि टारगेट होदोंमोन। बेनि उनाव भारतआ बेटियाव माखासे समनि अभाखवो उडकेट खोमानाडो। भारतीय टीमआ इन्सिन 40

अभार आबुं जानायसिमाव सा 5 उडकेट खोमानायजों 212 रनल' लानो हादोंमोन आरो जोबथा 10 अभाखव थान्खिसिम सौहेनो हागोन एबा हायैनि फारसे जिगायाव दडमोन। भारतीय टीमआ 2000 माइथायनि उनाव दासिमावबो राननि थान्खिसिम होसोनायव जोबथा 10 अभाखव 100 नि बांसिन रन लानो हायाखैमोन। वेबायदि थासारियाव वेस्ट इन्डिसनि हेथायै जोबथा 10 अभाखव गिबि खेबै भारतआ

100 नि बांसिन रन लानायनि रेकर्ड थिसनो। दिपक हुद्द आरो अक्षर पाटेलनि उनावो भारतीय टीमआ गोखोंयै रानखौ आवगायहोनो हादों आरो 10 अभाखव गेजेखव मेचनि दिगखौ गुबुन मोखों लाबोदों। दिपक हुद्द आउट जानायनि उनाव शार्दुल ठाकुरआ क्रिजयाव ओंखारो। माखासे रन लानायनि उनावो शार्दुल ठाकुरबो आउट जानायव भारतीय टीमखौ देरहानायनि बिबानआ अक्षर पाटेलनिसिम फेदोंमोन। भारतआ जोबथा अभाखव देरहानायनि थाखाय 8 रन लानायनि गोनाथि दडमोन। बे अभाखवो 4 बलाव अक्षर पाटेलआ 6 रन लानायजों भारतीय टीमखौ देरहानायसिम सौहेहोदों। अक्षर पाटेलआ गासै 35 बलाव खेब बा 6 रन आरो खेब थाम 4 रन लानायनि मदतजों 64 रन लादों।

खेल रत्न बान्था देरहानाय अभिनभ बिन्द्राया कमनवेल्थ गेम्सयाव गं 7 मेडेल देरहाबाय

गोदान दिल्ली, 25 जुलाई: अभिनभ बिन्द्राया गेलेमुनि फोथाराव भारतनि मुंदांखा गेलेगिरिफोरनि गेजेराव सिनायजानाय सासे गोखों बादायारि। उत्तराखान्डीनि देहरादुनआव जोनोम लानाय बिथाड 15 बोसोर बैसोयावो कमनवेल्थ गेम्स 1998 आव बाहागो लादोंमोन। बिथाड कमनवेल्थ गेम्सयाव बयनिखुइबो उन्दैसिन बैसोयावो बाहागो लानाय भारतीय गेलेगिरिबो जानो हादों। अभिनभ बिन्द्राया गावनि गिबि कमनवेल्थ गेम्सयाव गंसेबो मेडेल देरहायाखैब्लाबो उन्दै बैसोयावो गेलेनायनि फोथाराव गावनि रंगीथि आरो साहसखौ दिन्थिफुदों। 2002 कमनवेल्थ गेम्सयाव 19 बोसोर बैसोयावो बिन्द्राया 10 मिटर एयार



राइफलनि पेयार इभेन्त्याव गल्ड मेडेल देरहानायनि अनगायैबो सिंगेल्स इभेन्त्याव सिलभार मेडेलबो देरहादोंमोन। बिथाड लाथिथयै मोजाडे दिन्थिफुबोनायनि थाखाय आरो गेलेमुनि फोथाराव बिहोमानि थाखाय 2022 आव खेल रत्न बान्थाजों मान बाउजानाने भारत सरकारनिफ्राय बे सन्मानजों मान

बाउजानाय बयनिखुइबो उन्दैसिन गेलेगिरि जादों। मुंदांखा क्रिकेटार सचिन तेन्दुलकारबो 25 बोसोर बैसोयाव बिथानि सिगां बयनिखुइबो उन्दैसिन बैसो गेजेराव मान बाउजानाय गेलेगिरि जादोंमोन। अभिनभआ एथेन्स अलिम्पिक 2004 आव 7 थि नम्बराव जायगा

आवगिरनायजों मेडेलनिफ्राय जानागारव थानादोंब्लाबो मेलबर्न कमनवेल्थ गेम्स 2006 आव मेडेल देरहादोंमोन। 10 मिटर एयार राइफलयाव बिथाड मेलबर्नआव गल्ड मेडेल आरो सिंगेल इभेन्त्याव ब्रन्ज मेडेल देरहादों। सोलिफु बोसोराव खुंजानाय वर्ल्ड सेम्पियनसिपयाव भारतनि जानाने बिथाडानो गिबि मेडेलबो देरहादों। 2008 नि बैइजिं अलिम्पिकयाव अभिनभआ गल्ड मेडेल देरहानायजों भारतीय गेलेमुनि जाग्गिनिनयाव सनानि हांखोजों लिजरादों। 2008 नि सिगां भारतआ हौवा हकीयावल' गल्ड मेडेल देरहादोंमोन। 2010 आव कमनवेल्थ गेम्सआ भारतनि राजथावनि गोदान दिल्लीयाव खुंफुं जानदोंमोन। बे समाव बिथाड 10 मिटर एयार राइफलनि पेयारस इभेन्त्याव गल्ड आरो सिंगेल इभेन्त्याव सिलभार मेडेल देरहादों। अभिनभआ गावनि जोबथा कमनवेल्थ गेम्सनि मेडेलखौ ग्लास्करआव देरहादों। बे समाव बिथाड 10 मिटर एयार राइफलयाव गल्ड मेडेल देरहायो। बिन्द्रानि मुडाव कमनवेल्थ गेम्सयाव गं ब्रै गल्ड, गंनै सिलभार आरो गंसे ब्रन्ज मेडेल देरहानायनि मुं दं। बिथाड कमनवेल्थ गेम्सयाव गासै गं 7 मेडेल देरहानायनि अनगायैबो रिय' अलिम्पिक 2016 आव 2 थि गल्ड मेडेल देरहानायनि खाबु मोन्दोंब्लाबो 4 थि नम्बराव जायगा आवगिरनायजों मेडेलनि सिमांखौ खोमानादोंमोन।

वर्ल्ड एथलेटिक्सयाव निरजनि दिन्थिफुनायखौ नुनानै अन्जुआ बै समाव गावनि सायाव जालानाय जाथायफोरखौ गोसोखांदों

गोदान दिल्ली, 25 जुलाई: अलिम्पिक सेम्पियन निरज चप्राया जेब्ला आमेरिकानि युजिनआव खुंजानाय वर्ल्ड एथलेटिक्स सेम्पियनसिपयाव जाग्गिनिन सोरजिजिदोंमोन अब्ला बिथानिनो समनि गेलेगिरि आरो लंजाम्पार अन्जु बबी जर्जआ बेगालुरुआव गाग्गियै जैनाजों भुगिनानायनि उनाव ब्रन्ज मेडेल देरहानायखौ गोसोखांदोंमोन। 24 बोसोरनि चप्राआ फाइनलनि गिबि खेब 3 राउन्डनि उनाव 4 थि नम्बराव जायगा आवगिरदोंमोन। नाथाय 4 थि नाजानायव बिथाड 88.13 मिटरसिम खुबैहरनायजों फिन गोहोयाव फेफिनानै सिलभार

मेडेल देरहायो। निरजआ वर्ल्ड सेम्पियनसिपयाव मेडेल देरहानाय 2 थि भारतीय गेलेगिरि आरो गिबि हौवा गेलेगिरि जानो हायो। अन्जुआ वर्ल्ड सेम्पियनसिपयाव मेडेल देरहानाय गिबि भारतीय आइजो जानो हादोंमोन। बिथाड 2003 आव खुंजानाय वर्ल्ड सेम्पियनसिप लं जाम्प इभेन्त्याव ब्रन्ज मेडेल देरहादों। खौरंगिरिनि सौथियाव अन्जुआ गावनिफ्राय इसोरनिसिम आर'ज गाबनायखौ फोरमायनाने पेरिसआव 2003 आव मोनसे समसिमाव निरजनि बायदि थासारि फेनायखौ फोरमायदों। निरजनि गिबि नाजानायनि उनाव 2 थि नम्बराव जायगा आवगिरनायखौ

फोरमायना गावनि गिबि खेब 3 नाजानायनि उनाव 4 थि नम्बराव जायगा आवगिरनायखौ फोरमायो। सिगां फारसे अन्जुआ गावनि गिबि नाजानाय एबा दिन्थिफुनायनि उनाव टप जायगा आवगिरदोंब्लाबो 3 थि जायगा नाजानायनि उनाव 4 थि नम्बराव दावखलायना फेनानै मेडेलनि राउन्डयाव सौहेनो हायैखौ फोरमायदों, अब्लाबो गावनि फिन गोहोयाव फेफिननायजों मेडेल देरहानायनि फारिहायाव आवगायफिननायखौ फोरमायना निरजनि सायावबो बे थासारियावो फेदोंमोन होना बुंथियो। निरजआबो एथलेटिक्स सेम्पियनसिपनि जागायजेनायाव

मोजाडे दिन्थिफुनो हायाखैमोन, मानोना बिथाड गिबि दिन्थिफुनायवो फाउल खालामदोंमोन। बेनि उनावसो निरजआ 82.39 मिटर आरो 86.37 मिटर सिम खुबैनाने 3 थि नाजानायनि उनाव 4 थि नम्बराव जायगा आवगिरदों। नाथाय चप्राआ बेनि उनाव फिन गोहोयाव फेफिननायजों 4 थि नाजानायव 88.13 मिटरनि दिन्थिफुनायजों 2 थि नम्बराव जायगा आवगिरयो। वर्ल्ड एथलेटिक्स सेम्पियनसिपयाव बेनो निरजनि 4 थि साबसिन दिन्थिफुनाया 5 थि आरो 6 थि राउन्डनि दिन्थिफुनायाव चप्राआ फाउल खालामदों। अन्जुआ



खौरंगिरिनि मोगा-मोगियाव गावनिफ्राय गिबि नाजानाय 6.61 मिटर बारनायजों गिबि नम्बराव जायगा आवगिरनायखौ फोरमायना उननि खेबनै

फाउल दिन्थिफुनायजों 4 थि नम्बराव दावखलायनायखौ फोरमायदों। अन्जुआ बे समाव 4 थि नाजानायव 6.56 मिटर

बारनायजों 4 थि नम्बरावसो जायगा आवगिरदोंमोन। नाथाय 5 थि नाजानायव बिथाड 6.70 मिटर बारनायजों 3 थि नम्बराव जायगा आवगिरना भारतनि थाखाय वर्ल्ड सेम्पियनसिपयाव गिबि मेडेल देरहादोंमोन। सिगां फारसे अन्जुआ फोरमायदोंदि, सोखा सुबुंआ गोरलैयैनो गावनि सायाव फोथायनायखौ नागारोब्ला मेडेल देरहानायव फेदें जायो। अन्जुआ सिगां फारसे फुनि समाव निरजनि इभेन्टखौ नायनाने गावनि दिन्थिफुनायखौ गोसोखांनयखौ फोरमायदों आरो बै समाव गावजों इभेन्त्याव जालानाय थासारिफोरखौ फोरमायो।

2016 आव 2 थि गल्ड मेडेल देरहानायनि खाबु मोन्दोंब्लाबो 4 थि नम्बराव जायगा आवगिरनायजों मेडेलनि सिमांखौ खोमानादोंमोन।



ना बिफान



आसाम सरकार



ना खोन्दोआव सोलिबाय थानाय जर 'खा केसिसि (KCC) दाहारनि खाबु आजावना ला।

ना खोन्देनि गासैबो जौगानायखौ गोखै खालामनायनि थान्खिजों मिरु सरकारआ जर 'खा केसिसि दाहारनि रहा लादों।

- दै बानायाव खहा जानाय ना पाम/फुखि बायदिखौ फिन फोथोफिननायनि थाखाय बे दाहारनि खाबुखौ लानो हायो।
- दै बानायाव खहा जायाखैब्लाबो ना फिसनाय, ना फालांगि बायदिनि थाखाय बे दाहारनि खाबुखौ लानो हागोन।
- राइज्योनि दरफोमबो जिल्लायानो मोनफ्रोम सप्ताहआव बाडयैबो मोनसे जर 'खा केसिसि बादा खुंफुनाय जागोन।
- गोसो गोनांफोर बे बादायावो ना बिफान आरो बेंक बिबानगिरिनि नुजाथिफेनायाव आर'ज खालामनो खाबु मोनगोन।
- केसिसि दाहारनि बिथिडव बेंकनि थि खालामनाय सुतनि सायाव भारत सरकारनिफ्राय 2% रेहायनि खाबु दड।
- थि खालामनाय समाव दाहारखौ गथायफिननायनि थाखाय भारतयारि रिजार्ब बेंकआ 3% सुत रेहाय होनायनि रहा लादों।
- गुवैयै बावैसो फोसावजानाय हिसाबआव जौखोन्दो बोसोराव 4% ल' सुतआव बे दाहारखौ मोनो हायो।
- बे दाहारनि थाखाय बेंकनिफ्राय गुबुन गुबुन सामलायनायनि खरसा रेहाय होनायनि रहा दड।
- बांसिनथारै 1 लाख 60 रोजा रांसिम बे दाहारनि थाखाय बन्दकआव लानायनि रहा थाया।

केसिसि आर'ज खालामनायनि थाखाय गोनाथि जानाय फोरमान बिलाइ

- 1) आर'ज खालामगिरिनि 2 कपि आथिखालनि पासपर्ट फट'
- 2) फट' गोनां सिनायथि आरो अरायथा थावनि थाफानाय फोरमान (Voter ID/AADHAR/Driving License नि फट'स्टेट)
- 3) हानि बिगोमानि सोमोन्दै फोरमान बिलाइ (जमाबन्दी/चितानि कपि/लेन्डहल्लिंड साटिफिकेट/बेंकनि गनायथिनाय बादिदे गुबुन गनायथिजानाय फोरमान बिलाइ)
- 4) बेंक पासबुकनि गिबि बिलाइनि फट'स्टेट कपि
- 5) PAN Card नि फट'स्टेट कपि
- 6) आयदा लानाने उफ्रा फोरमान बिलाइ

APPLICANT INFORMATION (In English)		APPLICANT INFORMATION (In Assamese)	
1. Name of the applicant	2. Date of Birth	1. আবেদনকাৰীৰ নাম	2. জন্ম তাৰিখ
3. Address of the applicant	4. Mobile No.	3. আবেদনকাৰীৰ ঠিকনা	4. মোবাইল নম্বৰ
5. Educational Qualification	6. Occupation	5. শিক্ষাৰ প্ৰমাণ	6. পেশা
7. Bank Account No.	8. Signature of Applicant	7. ব্যাংক অকাউন্ট নম্বৰ	8. আবেদনকাৰীৰ স্বাক্ষৰ

কেसिसि दाहारनि थाखाय आर'ज बिलाइनि फोरमान

Janasanyog (D) 89/80/22

*बेंकआव दाहार गोनां सुबुंनि आर'ज खालामनाया नेवसिजानो हागौ।

नानि बिथिडव सोमोन्दो थानाय सुबुंफोरखौ नांजाबफा ना बिबानगिरिनि गेजेरजों जोबोद थाबैनो आर'ज खालामनो खावलायनाय जाबाय।



Government of Assam
Directorate of Technical Education
Kahilipara, Guwahati, Assam

Important
Notice for
PAT-2022
Candidates

All the candidates who applied and appeared in the Polytechnic Admission Test (PAT) - 2022 on July 24, 2022, are urged to complete their selection of Institutes and Branches and upload all the required documents to the site within the time frame specified below.

From 26th of July to 4th of August 2022
till 23:59:59 hrs

Candidates are asked to visit the website dte.assam.gov.in to complete the Choice Filling and Document Uploading Process.

STEPS TO BE FOLLOWED

STEP 1	STEP 2	STEP 3	STEP 4	STEP 5	STEP 6
Login to the portal with your Roll Number and Date of Birth.	Verify Registration and Personal Details	Fill-Up Qualification Details	Choose College Preferences	Upload Necessary Documents	Complete your registration process by clicking "Final Submit"

Documents to be uploaded

H.S.L.C. OR ITS EQUIVALENT EXAMINATION ADMIT CARD	FREEDOM FIGHTER CERTIFICATE FROM HOME AND POLITICAL DEPARTMENT & RELATIONSHIP CERTIFICATE FROM CONCERNED DEPUTY COMMISSIONER IN CASE OF GRANDSON/ GRAND-DAUGHTER OF FREEDOM FIGHTER
H.S.L.C. OR ITS EQUIVALENT EXAMINATION MARK SHEET	CERTIFICATE FROM THE DIRECTOR OF SPORTS, ASSAM AND PARTICIPATION CERTIFICATE IN CASE OF SPORTS QUOTA
PERMANENT RESIDENT CERTIFICATE [PRC] OF ASSAM	CERTIFICATE FROM THE COMMANDING OFFICER, NATIONAL CADETS CORPS OR HIGHER LEVEL IN CASE OF N.C.C. QUOTA
CASTE CERTIFICATE IN CASE OF SC, ST[P], ST[H] Candidates	IDENTITY CARD AS DIFFERENTLY-ABLED ISSUED BY THE SOCIAL WELFARE DEPARTMENT IN CASE OF PERSONS WITH DISABILITIES [PwD]
CASTE CERTIFICATE ALONG WITH NON CREAMY LAYER [NCL] CERTIFICATE IN CASE OF OBC/MOBC, TGCL, EX-TGCL, KOCH-RAJBANSHI, CHUTIA, TAI-AHOM, MORAN CANDIDATES	ANNUAL INCOME CERTIFICATE ISSUED BY THE AUTHORITY NOT BELOW THE RANK OF REVENUE CIRCLE OFFICER IN CASE OF TUITION FEE WAIVER [TFW]
CERTIFICATE FROM THE DIRECTOR, RAJYIK SAINIK BOARD, ASSAM IN CASE OF SON/DAUGHTER OF OF RETIRED DEFENCE PERSON	CERTIFICATE AND MARK SHEET ISSUED BY SCTE, ASSAM IN CASE OF T.S.L.C CANDIDATES
VALID EWS CERTIFICATE IN CASE OF ECONOMICALLY WEAKER SECTIONS [EWS] CANDIDATES	PERMANENT RESIDENT CERTIFICATE REQUIRED FROM THE CONCERNED STATE AUTHORITIES OUTSIDE ASSAM & CERTIFICATE REGARDING THE SERVICE OF FATHER/MOTHER FROM THE CONCERNED AUTHORITY LOCATED IN ASSAM IN CASE OF SON/DAUGHTER OF CENTRAL GOVERNMENT EMPLOYEES

Please feel free to contact +91 931 971 7289 if you have any questions about the process for choosing institutes and branches and uploading documents.